

據華陽國志... 高祖分置... 取蜀取巴置郡

... 不詳分... 便別行

遵義府志卷三十九

年紀一 自周秦至五代

方志之體不分別部居令一事原委條貫則不詳分別矣錯列互見一方之鉅要統滙難焉且或礙體製不無摭引漏略矣茲仿前史紀表意逐代編年事求徵覈無取約簡於全書殆如升菴藝文志可便別行續補未備亦冀後有胡杜云爾

周

按華陽國志巴志言秦惠王取蜀取巴置郡蜀志言高祖分置廣漢武帝分廣漢置犍爲分犍

爲置牂柯巴志亦云高帝分巴置廣漢武帝又
兩割置犍爲故世曰分巴割蜀以成犍廣也其
言蜀國所至則曰東接於巴南接于越言巴南
鄙所分之涪陵郡界則曰南接武陵西接牂柯
是遵義在末郡縣以前及僅置巴蜀時府地並
當巴西南鄙蜀東南鄙今于犍牂未置以前略
記巴蜀事以溯其始斷自周者以尙書左傳始
及之也

武王伐紂巴人蜀人從

洛書曰人皇始出繼地皇之後兄弟九人分理九

州爲九圍人皇居中州制八輔華陽之壤梁岷之
域是其一圍圍中之國則巴蜀矣其分野輿鬼東
井其君上世未聞五帝以來黃帝高陽之支庶世
爲侯伯及禹治水命州巴蜀以屬梁州會諸侯于
會稽執玉帛者萬國巴蜀往焉周武王伐紂實得
巴蜀之師著乎尙書巴師勇銳歌舞以凌殷人倒
戈故世稱之曰武王代紂前歌後舞也武王旣克
殷以其宗姬于巴爵之以子古者遠國雖大爵不
過子故吳楚及巴皆曰子其地東至魚復西至焚
道北接漢中南極黔涪土植五穀其民質直好義

土風敦厚有先民之流而其失在于重遲魯鈍俗素樸無造次辨麗之氣其屬有濮賓苴共奴獫夷蠻之蠻周之中世雖奉王職與秦楚鄧為比是後楚主夏盟秦擅西土巴國分遠故于盟會希與戰國時嘗與楚婚及七國稱王巴亦稱王周顯王時楚國衰弱秦惠文王與蜀為好蜀王弟苴私親于巴巴蜀世戰爭周慎王五年蜀王伐苴侯苴侯奔巴為求救于秦秦惠文王遣張儀司馬錯救苴巴遂伐蜀滅之儀貪巴苴之富因取巴執王以歸置巴蜀及漢中郡分其地為二縣華陽國志巴志

海內南經有巴國所謂巴賓彭濮者伏羲後生巴

人郭璞云三巴國巴東至魚復西連夔道北接漢中南極牂柯皆其界春秋戰國

不改 路史國名左傳巴師侵鄭宋巴瀘二州境

宜與太昊後異同上

巴巴姬之國楚靈晉文公西伐巴蜀此也呂氏春秋

上周之餘族可見國

蜀國肇于人皇與巴同囿至黃帝為其子昌意娶

蜀山氏女生子高陽是為顓頊封其支庶于蜀世

為侯伯歷夏商周武王伐紂蜀與焉其地東接于

巴南接于越北與秦分西奄峨岷有周之世限以

秦巴雖奉王職不得與春秋盟會君長莫同書軌
 周失綱紀蜀先稱王有蜀侯蠶叢其目縱始稱王
 次王曰柏灌次王曰魚鳧魚鳧王田于湔山得仙
 道蜀人思之為立祠後有王曰杜宇教民務農一
 號杜主移治郫邑或治瞿上七國稱王杜宇稱帝
 號曰望帝更名蒲卑會有水災其相開明決玉壘
 山以除水害帝遂委以政事禪位于開明升西山
 隱焉巴亦化其教而力農務迄今巴蜀民農時先
 祀杜主君開明位號曰叢帝叢帝生盧帝盧帝攻
 秦至雍生保子帝九世有開明帝此似又一開明未詳

王自夢廓移乃徙治成都周顯王之世蜀王有褒
 漢之地因獵谷中與秦惠王遇惠王以金一笥遺
 蜀王王報珍玩之物物化為土惠王怒羣臣賀曰
 天奉我矣王將得蜀土地惠王喜乃作石牛五頭
 朝瀉金其後曰牛便金有養卒百人蜀人悅之使
 使請石牛惠王許之乃遣五丁迎石牛既不便金
 怒遣還之乃嘲秦人曰東方牧犢兒秦人笑之曰
 吾雖牧犢當得蜀也周顯王二十二年蜀侯使朝
 秦秦惠王數以美女進蜀王感之故朝焉蜀王別
 封弟葭萌於漢中號苴侯苴侯與巴王為好巴與

蜀讎故蜀王怒伐苴侯苴侯奔巴求救于秦秦惠王方欲謀楚羣臣議曰夫蜀西僻之國戎狄為鄰不如伐楚司馬錯中尉田真黃曰蜀有桀紂之亂其國富饒得其布帛金銀足給軍用水通于楚有巴之勁卒浮大船舶以東向楚楚地可得得蜀則得楚楚亡天下并矣惠王曰善周慎王五年秋秦大夫張儀司馬錯都尉墨等從石牛道伐蜀蜀王自于葭萌拒之敗績王遯走至武陽為秦軍所害其傅相及太子退至逢鄉死于白鹿山開明氏遂亡凡王蜀十二世冬十月蜀平司馬錯等因取苴

與巴焉華陽國志蜀志

揚雄蜀王本紀曰蜀之先稱王者有蠶叢折灌選注

作柏魚鳧蒲澤二字依選注增開明是時人萌二字依選注增椎

髻左衽選注不曉文字未有禮樂從開明以上至

蠶叢積三萬四千歲六字元作凡四歲依選注改次曰伯雍又

次曰魚尾尾田于渝山得仙後有王曰杜宇出天

墜山又有朱提氏女名曰利自江源而出為宇妻

乃自立為蜀王號曰望帝移居郫邑太平御覽百六十六引

十三州志曰當七國稱王獨杜宇稱帝于蜀以褒

斜為前門熊耳靈關為後戶玉壘峨眉為池澤汶

山為畜牧南中為園苑時有荆人是後荆地有一死者名鼈冷其尸亡至汶山卻更生見望帝帝以為蜀相時巫山壅江蜀地洪水望帝使鼈冷鑿巫山治水有功望帝自以德薄乃委國俗鼈冷號曰開明遂自亡去化為子規故蜀人聞鳴曰我望帝也又云望帝使鼈冷治水而淫其妻冷還帝慙遂化為子規杜宇死時適二月而子規鳴故蜀人聞之皆起自開明已下五葉始立宗廟時蜀有五丁力士能徙山岳每一王死五丁輒為立大石以誌墓今石井是也號曰井里同上引二條多誤字無從校改

蜀之為國肇自人皇

世本揚雄蜀紀華陽志蜀本論等語

其始蠶叢

拍獲魚鳧各數百歲

見蜀紀號蠶叢帝拍獲帝魚鳧或作折護與伯雍者非

寰宇記作伯禽尤陳

號蜀山氏蓋作于蜀蠶叢縱曰王瞿上

魚鳧治導江逮蒲澤俾明時人氓椎結左言不知

文字上至蠶叢年祚深眇

揚雄記云二萬四千歲杜甫云二萬八千歲蜀

記等言魚鳧等君治蜀八萬年蓋難取據俾明記作開明非

最後乃得望帝杜

宇寔為滿捍蓋蜀之先也

司馬貞以杜宇出唐杜氏後妄受禪在丁卯八

月三

自叢以來帝號

蘆保帝一作盧其妻曰如俱葬

之昔黃帝為其子昌意取蜀山氏而昌意之子乾

荒亦取于蜀山氏繼其後葉及高辛氏以其少子

封蜀則繼之者也

昌意遜居若水元囂降居江水而禹生石紐其地皆在蜀蓋五

帝時嘗合中國世本謂蜀王每世相承為黃帝後而通典以蠶叢伯雍為帝倍之支樂史從之謂歷

夏商至周始稱秦惠文元年蜀人來朝八年伐滅

之始降侯云

路史前紀因提紀

蜀支子封自益昌西南至蜀皆其地張儀滅之

王蜀八戰不勝而滅報王元年秦惠文封公

按諸蜀記杜宇末年遜位鰲令鰲令者荆人也

舊說魚鳧田于湔山仙去後有男子從天墮曰

杜宇為西海君自立為蜀王號望帝徙都于郫

或瞿上自恃功高諸王乃以褒斜為前門熊耳

靈關為後戶玉壘峨眉為城郭江潛綿洛為池

澤岷山為畜牧南中為園苑時鰲令死尸隨水

上荆人求之不得至蜀起見望帝望帝以之為

相後禮以國去之隱于西山民俗思之時適二

月田鵲方鳴因號杜鵑以志其隱去之期一云

宇禮之而淫其妻恥之死為子鵲故蜀人聞之

皆起曰我望帝也杜甫每每起歎所謂杜宇曾

為曹帝王者據風俗通等

按風俗通引楚辭云鰲令屍亡沂江而上

至岷山下起見望帝時巫山擁江蜀洪水望帝

通鑑卷三十一
令令鑿之蜀始處陸以為刺史號曰西州自以德不如令從而禮焉是為蜀開明氏年號萬通生蘆保亦號開明時武都出五丁力士輔之開明子孫八代都郫九世至開明尚始去帝號稱王治成都自開明五世開明尚始立宗廟于蜀則猶在五帝時以今蜀記望帝遠記周襄王至釐令王蜀十一代三百五十年當始皇時號厲蘆子霸王夫始皇時蜀滅久矣記言儀錯伐蜀蜀王開明拒戰不利退走武陽獲之則是張儀滅之也釐水名也字一作釐音別縣在梓柯集

韻音幣而刺史乃秦官故王充劉知幾以子雲之紀杜魄荆尸為妄釐令亦作釐靈墓在郫西

五里同上餘論

庚子陳本命伐磨新荒命伐蜀乙巳陳本命新荒蜀磨至告禽霍侯俘艾佚侯小臣四十有六禽禦八百有三百兩告以馘俘周書世俘解

按孔晁注此復說克紂所命伐也庚子三十六月禦大臣也考蜀從武王伐紂明載牧誓必無復命師伐之之理命伐者命考其勳伐也故自庚子至乙巳凡六日而知其所禽如此若命征

伐之安得速如是耶自庚子上溯甲子誓師日
以本篇書日計之中隔二甲子則百五十七日
孔云三十六月未詳

成王一作之會巴人以比翼鳥蜀人以文翰文翰者
若臯雞皆東嚮周書王會解

孔注巴人在南者比翼鳥不比不飛其名鷦鷯又
云鳥有文彩者臯雞似鳧冀州謂之澤特臯一作
皇補曰左傳注巴國在巴郡江州縣郡縣志渝州
古巴國也武王伐殷巴人助焉其人勇銳歌舞以
凌殷郊後封爲巴子其地東至魚復西至焚道南

極牂柯山海經後照始爲巴人爾雅南方有比翼
鳥焉不比不飛其名謂之鷦鷯注似鳧青赤色山
海經崇吾之山有鳥其狀如鳧一翼一目相得乃
飛注比翼鳥也其爲鳥青赤兩鳥比翼管仲曰西
海致比翼之鳥瑞應圖王者德及高遠則至王嘉
拾遺記成王時燃邱國獻之狀如鵠而多力張華
以爲一青一赤在參嵎山蜀見于牧誓華陽國志
蜀之先肇于人皇之際黃帝爲子昌意娶蜀山氏
後子孫因封焉寰宇記蠶叢始稱王次曰柏灌次
曰魚鳧其後杜宇號望帝禪位于開明白開明而

上至鷩叢凡歷千歲秦以其地為蜀郡爾雅鷩天

雞注鷩彩赤羽逸周書曰文鷩若彩雞成王時蜀

人獻之說文翰天雞赤羽也逸周書文翰若翬雉

一名鷩風周成王時獻之王應麟王會補注

安王二十五年蜀伐楚取茲方楚肅王四年史記六國表

楚肅王四年蜀伐楚取茲方于是楚為扞關以禦

之史記楚世家

慎靚王五年秦擊蜀滅之秦惠文王九年史記六國表

秦厲公二年周元王蜀人來賂惠公十三年周安王十年

年五伐蜀取南鄭六國表云蜀取我南鄭惠文君元年蜀人來

朝周顯王三年惠文君稱公更元九年司馬錯伐蜀

滅之

司馬錯與張儀爭論于秦惠王前司馬錯欲伐蜀

張儀曰不如伐韓王曰請聞其說對曰親魏善楚

下兵三川塞轅轅侯氏之口當屯雷之道魏絕南

陽楚臨南鄭秦攻新城宜陽以臨二周之郊誅周

主之罪侵楚魏之地周自知不救九鼎寶器必出

據九鼎按圖籍挾天子以令天下天下莫敢不聽

此王業也今夫蜀西僻之國而戎狄之長也倣兵

勞眾不足以成名得其地不足以為利臣聞爭名

者于朝爭利者于市今三川周室天下之市朝也而王不爭焉顧爭于夷狄去王業遠矣司馬錯曰不然臣聞之欲富國者務廣其地欲強兵者務富其民欲王者務博其德三資者備而王隨之矣今王之地小民貧故臣願從事于易夫蜀西僻之國也而戎狄之長也而有桀紂之亂以秦攻之辟如使豺狼逐羣羊也取其地足以廣國也得其財足以富民繕兵不傷衆而彼已服矣故拔一國而天下不以爲暴利盡西海諸侯不以爲貪是我一舉而名實兩附而又有禁暴正亂之名今攻韓劫天

子劫天子惡名也而未必利也又有不義之名而攻天下之所不欲危臣請謁其故周天下之宗室也齊韓周之與國也周自知失九鼎韓自知亡三川則必將二國并力合謀以因于齊趙而求解乎楚魏以鼎與楚以地與魏王不能禁此臣所謂危不如伐蜀之完也惠王曰善寡人聽子卒起兵伐蜀十月取之遂定蜀蜀主更號爲侯而使陳莊相

蜀蜀旣屬秦益強富厚輕諸侯

戰國策

秦因取巴苴置巴蜀二郡

華陽國志引詳前後

赧王二年秦惠王秦通封蜀

十四年

年紀一

二

赧王四年秦惠王十五年蜀相殺蜀侯

五年秦武王元年誅蜀相壯史記六

秦惠文王十一年公子通封于蜀徐廣曰是歲王赧元年十

四年蜀相壯徐廣曰一作狀殺蜀侯來降惠王卒子武王

立元年誅蜀相壯史記秦本紀

周赧王元年秦惠王封子通國為蜀侯以陳壯為

相置巴郡以張若為蜀國守戎伯尚強乃移秦民

萬家實之三年分巴蜀置漢中郡六年陳壯反殺

蜀侯通國秦遣庶長甘茂張儀司馬錯復伐蜀誅

陳壯華陽國志蜀志

十四年秦昭王六年蜀反司馬錯往誅蜀守輝定蜀史記六國表

秦昭襄王六年蜀侯輝反司馬錯定蜀庶長奐伐

楚斬首二萬史記秦本紀

赧王七年秦封子恽為蜀侯司馬錯率巴蜀眾十

萬大舶船萬艘米六百萬斛浮江伐楚取商於之

地為黔中郡十四年蜀侯恽祭山川獻饋于秦惠

文王恽後母害其寵加毒以進曰饋從二千里來

當試之王與近臣即斃王大怒遣司馬錯賜恽劍

使自裁恽懼夫婦自殺秦誅其臣郎中令嬰等二

十七人十五年王封其子綰為蜀侯

三十年秦王疑蜀侯綰反王復誅之但置蜀守張

若因取笮及其江南地焉華陽國志蜀志

三十八年當楚頃襄王二十二年楚將莊蹻克夜郎滇

池欲歸報秦奪楚巫黔中地道塞遂王滇

西南夷君長以什數夜郎最大其西靡莫之屬以

什數滇最大皆魑結耕田有邑聚巴蜀西南徼外

蠻夷也始楚威王時使將軍莊蹻將兵循江上略

巴蜀黔中以西莊蹻者故楚莊王苗裔也蹻至滇

池地方三百里旁平地饒數千里以兵威定屬楚

欲歸報會秦擊奪楚巴黔中郡道塞不通因還以

其眾王滇變服從其俗以長之史記西南夷傳漢書同

南中在昔蓋夷越之地滇濮句町夜郎侯王國以

十數編髮左衽隨畜遷徙莫能相雄長周之季世

楚威王遣將軍莊蹻泝沅水出且蘭以伐夜郎植

牂柯繫船于是且蘭既克夜郎又降而秦奪楚黔

中地無路得反遂畱王滇池蹻楚莊王苗裔也以

繫船因名且蘭為牂柯國分侯支黨傳數百年華陽國志南

中國志南

楚頃襄王時遣將莊豪從沅水伐夜郎軍至且蘭

檣船于岸而步戰既滅夜郎因畱王滇池巨且蘭
有檣船牂柯處乃改其名爲牂柯後漢書西南夷傳

按史記秦本紀昭王三十年蜀守若伐取巫郡
及江南爲黔中郡又六國表楚頃襄王二十二
年秦拔我巫黔中郡並當周赧王三十八年太
平寰宇記云史及漢書皆云楚威王時使莊蹻
略巴黔以西蹻至滇池欲歸會秦奪楚巴黔中
因以其眾王滇後十餘歲秦滅按楚自威王後
懷王立三十年至頃襄王之二十二年秦昭襄
王遣兵攻楚取巫黔中後漢史則云頃襄王時

莊豪王滇豪卽蹻也若莊蹻自威王時將兵略
地屬楚秦陷巫黔中郡道塞不還凡經五十二
年豈得如此淹久或恐史記誤班生因習便書
范氏所記詳考爲正又莊蹻王滇後十五歲頃襄
王卒考烈王立二十五年幽王立十年負芻立
五年而楚滅後十五年秦亡凡七十載何故云
蹻之王滇後十餘歲秦亡斯又未之詳也今按
樂氏以史漢威王時爲非而以後書頃襄王時
爲近其說是也考荀子議兵篇若夫招近募選
隆執詐尙功利之兵則勝不勝無常代翕代張

代存代亡相為雌雄耳矣夫是之謂盜兵君子不由也故齊之田單楚之莊躄秦之衛鞅燕之繆蠓是皆世俗之所謂善用兵者也是其巧拙強弱未有以相君者也若其道一也又云楚人鮫革犀兕以為甲韜如金石宛鉅鐵鈍慘如蠶蠶輕利僨遯卒如飄風然而兵殆于垂沙唐蔑死莊躄起楚分為三四是豈無堅甲利兵也其所以統之者非其道故也楊倞注引史記索隱曰莊躄楚將言其起為亂後楚遂分為四又引韓子曰楚王欲伐越杜子曰臣患目能見百步

而不見其睫王之兵敗于秦晉莊躄為盜境內吏不能禁而欲伐越此智之如目也躄初為盜後為楚將楊氏所引在韓非喻老篇本文云楚也曰政亂兵弱杜子曰臣愚患之智如目也能見百步之外而不能自見其睫王之兵自敗于秦晉喪地數百里此兵之弱也莊躄為盜于境內而吏不能禁此政之亂也王之弱亂非越之下也欲伐越此智也商子弱民篇楚國之民齊疾而均速若飄風宛鉅鐵拖利若蜂蠆齧蛟犀兕堅若金石秦師至鄢郢舉若振槁唐蔑死于垂沙沙形莊躄發于內楚分為五垂沙之事商是後人襲荀韓詩外傳四楚兵殆于垂沙唐子子攬入書中韓詩外傳四楚兵殆于垂沙唐子

死莊躡起楚分爲三四元作方爲二四今改史記補禮書
楚兵始于垂涉唐昧音同死莊躡起楚分而爲
四參三書之文略與荀同據諸書皆言唐蔑死
莊躡起而楚地分考史記楚世家及六國表秦
與齊韓共攻楚殺楚將唐昧取重邱而去在楚
懷王二十八年二十九年秦取楚襄城三十年
懷王入秦秦取楚八城頃襄王元年秦取楚析
及十五城楚分爲三四卽謂此是莊躡伐夜郎
取滇當以後書頃襄王時爲確之明證也至韓
非謂楚莊王欲伐越而杜子舉莊躡爲盜境內

以止之莊懷之譌也莊王稱霸事具春秋傳及
史記安有喪地秦晉之事唯懷王十七年與秦
戰丹陽秦大敗我軍斬甲士八萬虜我大將軍
裨將軍七十餘人遂取漢中之郡懷王乃悉國
兵復襲秦戰于藍田大敗楚軍韓魏聞楚之困
乃南襲楚至于鄧楚聞乃引兵歸二十年昭睢
又有王雖取地于越不足以刷恥之語在史記
楚世家可見欲伐越而言喪地于秦晉卽指十
七年事其爲懷王之誤無疑也蓋躡在懷王時
爲盜至頃襄時起而爲將故楊倞曰躡初爲盜

後爲楚將也躄之略地南中確年無可見意只在頃襄二十年前後三代用兵未有淹久至三
四年外者特無徵未敢定耳王世貞云楚有兩
躄一莊王大盜一莊王裔孫將軍平滇自王者
此特就韓非史記爲說未加鉤稽參證殊無足
取又考呂氏春秋介立篇莊躄之暴郢也注莊
躄楚成王之大盜又異用篇跖與企足得飴以
開閉取榘也注跖盜跖企足莊躄也皆大盜人
名也以飴取人榘壯開人府藏竊人財物也高
誘獨以躄爲成王時與諸家異蓋緣史記言躄

在威王時承而用之轉寫譌威爲成耳至後書
之豪呂覽之企足與諸書之躄雖頗岐出實無
三人豪躄音近企足近躄之切音且後書本篇
復有滇王莊躄之後之語呂氏介立亦仍書作
躄而郭子章莊躄考必以王滇之躄爲非盜謂
遷固旣譌頃襄爲威王又惡知不譌豪爲躄當
從范氏莊豪爲正馬氏豪卽躄之說爲非此特
以正德間雲南欲祠躄因賈誼賦謂躄跖廉兮
李奇注躄楚之大盜故不果思曲爲之護不足
辨也至樂氏謂史漢云躄王滇後十餘歲秦滅

且爲之算年謂未知其詳考史漢言躋王滇繼言秦時通五尺道于此國置吏十餘歲秦滅十餘歲謂通道置吏至秦亡之年非謂王滇至秦亡之年樂氏檢核偶未審馬氏文獻通考亦沿其說

又按牂柯之名見管子小匡篇與雕題黑齒等並列當繫殷周舊國名後書以爲苴蘭有莊躋椽船牂柯因改名未必然說詳沿革

秦 始皇帝

秦時常頰略通五尺道諸此國頗置吏焉十餘歲

秦滅

史記五十二南夷傳

史按諸國見上常頰漢書作嘗破

莊躋分侯支黨傳數百年秦並蜀通五尺道置吏主之漢興遂不賓

華陽國志南中志

按史記正義括地志五尺道在郎州漢書注師古曰其處險阨故道纔廣五尺秦通此道後十餘歲而滅則在稱帝之初

三十三年略取南越地置象郡

通鑑

按南越卽百越亦曰揚越俱見史記漢書注云

南越芋姓與楚同祖國語曰芋姓夔越是也山海經云沅水出象郡此條據畢氏攷證爲漢人水經並非三代舊文是知今貴州之平越州都勻府皆古越地秦之象郡地漢昭帝元鳳五年紀有罷象郡分屬鬱林牂柯之文是其明證華陽國志言蜀國地南接于越東接于巴越卽自象郡分爲牂柯地參稽諸說可見今貴州貴陽以南古越國之西北境秦象郡之東北境貴陽以北古蜀國秦蜀郡之東南境至漢始漸割以成牂柯耳

漢

武帝元光五年通南夷置犍爲郡通鑑覽夏發巴蜀治南夷道漢書武帝紀

建元六年大行王恢擊東越按本紀在東越殺王

郢以報恢因兵威使番禺令唐蒙風指曉南越漢書

越蒙南越食蒙枸醬蒙問所從來曰道西北牂柯

牂柯江廣數里出番禺城下蒙歸至長安問蜀賈

人賈人曰獨蜀出枸醬多持竊出市夜郎夜郎者

臨牂柯江江廣百餘步足以行船南越以財物役

屬夜郎西至桐師然亦不能臣使也蒙乃上書說

上曰南越王黃屋左纛地東西萬餘里名為外臣
實一州主也今以長沙豫章往水道多絕難行竊
聞夜郎所有精兵可得十餘萬浮船牂柯江出其
不意此制越一奇也誠以漢之疆巴郫之饒通夜
郎道為置吏甚易上許之乃拜蒙為中郎將將千
人食重萬餘人從巴蜀笮關入漢書云從巴笮關入遂見夜
郎侯多同蒙厚賜喻以威德約為置吏使其子為
令夜郎旁小邑皆貪漢繒帛以為漢道險終不能
有也乃且聽蒙約還報乃以為犍為郡發巴蜀卒
治道自犍道指牂柯江蜀人司馬相如亦言西夷

邛笮可置郡使相如以郎中將往諭皆如南夷為
置一都尉十餘縣屬蜀當是時巴蜀四郡通西南
夷道成轉相饒數歲道不通土罷餓離濕死者甚
眾西南夷又數反發兵興擊耗費無功上患之使
公孫宏往視問焉還對言其不便及宏為御史大
夫是時方築朔方以據河逐胡宏因數言西南夷
害可且罷專力事匈奴上罷西夷獨置南夷夜郎
兩縣一都尉稍令犍為自葆就史記西南夷傳
十道志九州志曰夜郎自古非臣伏州郡之地漢
武開拓南邊始置夜郎縣屬牂柯郡即牂柯都尉

居之太平御覽州郡部引

武帝因文景之畜即位數年蕭然煩費唐蒙司馬相如始開西南夷鑿山通道千餘里以廣巴蜀巴蜀之民罷焉其後又通西南夷道作者數萬人千里負擔餽饟率十餘鍾致一石散幣于邛僰以輯之數歲而道不通蠻夷因以數攻吏吏發兵誅之悉巴蜀租賦不足以更之乃募豪民田南夷入粟縣官而內受錢于都內漢書食貨志司馬相如為郎數歲會唐蒙使略通夜郎西僰中發巴蜀吏卒千人郡又多為發轉漕萬餘人用興

法漢書曰用軍興法誅其渠帥巴蜀民大驚恐上聞之乃

使相如責唐蒙等因喻告巴蜀民以非上意載藝文

相如還報唐蒙已略通夜郎因通西南夷道發

巴蜀廣漢卒作者數萬人治道二歲道不成士卒

多物故費以巨萬計蜀民及漢用事者多言其不

便是時邛笮之君長聞南夷與漢通得賞賜多多

欲願為內臣妾請吏比南夷天子問相如相如曰

邛笮冉駹者近蜀道亦易通秦時嘗通為郡縣至

漢興而罷今誠復通為置郡縣愈于南夷天子以

為然乃拜相如為中郎將往使副使王然于壺充

國呂越人馳四乘之傳因巴蜀吏幣物以賂四夷
長卿便略定西夷邛笮冉駹斯榆之君皆請爲內
臣除邊關闕益斥西至沫若水南至牂柯爲徼通
零關道橋孫水以通邛都還報天子天子大說

司馬相如傳
漢書大同

漢祖自漢中出三秦伐楚蕭何發蜀漢米萬船而
給助軍糧收其精銳以補傷疾雖王有巴蜀南中
不賓也高祖六年始分置廣漢郡元鼎二字當元六
年分廣漢置犍爲郡華陽國志高帝分巴置廣漢孝
武帝又兩割置犍爲故世曰分巴割蜀以成犍廣

也同上
巴志

按華陽國志蜀志犍爲郡下曰孝武建元六年
置時治覽漢書地理志亦云犍爲郡武帝建元
六年開通鑑輯覽獨繫置犍爲于元光五年蓋
以史漢言唐蒙還報以爲犍爲郡卽繼之曰發
巴蜀卒治道武帝紀書發巴蜀治道在元光五
年夏也荀悅漢紀亦同由元光五年上溯建元
六年中隔四年唐蒙以建元六年使南越又歸
至長安乃上書說上乃以蒙爲中郎將蒙又諭
約夜郎還報乃置犍爲必非一二年事愈知犍

爲之置必在元光四五年之冬春間矣史漢西南夷傳之建元特舉始事之由本自不誤漢志不審以屬竟事而華陽志誤襲之故皆不從又按通鑑輯覽注捷爲初治營今遵義府遵義縣地是夜郎今貴州以西南籠諸府地南籠嘉初改與古爲夜郎國漢置縣唐始移縣于珍州今遵義縣桐梓縣是牂柯江卽古鬱水其上流爲今貴州之盤江逕廣西南寧府爲左江至潯州府合右江卽黔江亦導源貴州入廣東境爲西江下番出大海又考捷屬有符縣卽接營之西北

境今貴州之仁懷四川之合江二縣是其地路史以營爲營令國元注蜀王相本用鼈故牂柯營縣有營水在國名紀雜國上

六年南夷始置郵亭史記集解徐廣說

元朔三年罷西南夷漢書武帝紀

元狩元年遣博望侯張騫因蜀捷爲發間使四道並出指求身毒國于是始通滇國乃復事西南夷通鑑輯覽騫曰臣在大夏時見邛竹杖蜀布問安得此大夏國人曰吾賈人往市之身毒國身毒國在大夏東南可數千里其俗土著與大夏同而卑濕暑熱其

民乘象以戰其國臨大水焉以騫度之大夏去漢
萬二千里居西南今身毒又居大夏東南數千里
有蜀物此其去蜀不遠矣今使大夏從羌中險羌
人惡之少北則爲匈奴所得從蜀宜徑又無寇天
子旣聞大夏之屬皆大國多奇物土著頗與中國
同俗而兵弱貴漢財物誠得而以義屬之則地廣
萬里威德徧四海欣欣以騫言爲然乃令因蜀犍
爲發間使四道並出出駝出犚出徙邛出僰皆各
行一二千里其北方閉氏犚南方閉昆明昆明之
屬無君長善寇盜輒殺略漢使終莫得通然聞其

西可千餘里有乘象國名滇越而蜀賈間出物者

或至焉于是漢以求大夏道始通滇國初漢欲通

西南夷費多罷之及騫言可以通大夏廼復事西

南夷

漢書張騫傳

元狩元年博望侯張騫使大夏來言居大夏時見
蜀布邛竹杖使問所從來曰從東南身毒國可數
千里得蜀賈人市或聞邛西可二千里有身毒國
騫因盛言大夏在漢西南慕中國患匈奴隔其道
誠通蜀身毒國道便近有利無害于是天子乃令
王然于柏始昌呂越人等使間出西夷西指求身

毒國至滇滇王嘗羌乃留為求道西十餘輩歲餘皆閉昆明莫能通身毒國滇王與漢使者言曰漢孰與我大及夜郎侯亦然以道不通故各自以為一州主不知漢廣大使者還因盛言滇大國足事親附天子注意焉史記西南夷傳漢書同

元鼎五年夏四月南越王相呂嘉反秋遣越馳義侯

遺應劭曰越人也別將巴蜀罪人發夜郎兵下牂柯江會番

禺漢書武帝紀

南越反上使馳義侯因犍為發南夷兵且蘭君恐遠行旁國虜其老弱乃與其眾反殺使者及犍為

太守漢乃發巴蜀罪人嘗擊南越者八校尉擊破

之史記西南夷傳漢書嘗作當

六年冬南越破馳義侯遣兵未及下上便令征西南

夷平之遂定西南夷以為武都牂柯越駕沈黎汶山

郡漢書武帝紀

越已破漢八校尉不下即引兵還行誅頭蘭頭蘭

嘗隔滇道者也漢書云越已破漢八校尉不下中

道者且蘭斬首數萬遂平南夷為牂柯郡夜郎侯

始倚南越南越已滅會還誅反者夜郎遂入朝上

以為夜郎王南越破後及漢誅且蘭邛君并殺笮

侯冉駘皆震恐請臣置吏乃以為越雋沈犁漢作黎

汶山郡廣漢西白馬為武都郡元封二年滇王離

難西南夷舉國降以為益州郡賜滇王印復長其

民西南夷君長以百數獨夜郎滇受王印史記西夷傳

有竹王者興于遯水有一女子浣于水濱有三節

大竹流入女子足間推之不肯去聞有兒聲取持

歸破之得一男兒長養有才武遂雄夷狄以竹為

姓捐所破竹于野成竹林今竹王祠竹林是也王

與從人嘗止大石上命作羹從者曰無水王以劍

擊石水出今王水是也破石存焉後漸驕恣武帝

傳拜唐蒙為都尉開牂柯以重幣諭告諸種侯王

侯王服從因斬竹王置牂柯郡以吳霸為太守後

夷濮阻城咸怨訴竹王非血氣所生求立後嗣霸

表封其三子列侯死配食父祠今竹王三郎神是

也華陽國志南中志

西南夷者在蜀郡徼外有夜郎國東接交阯西有

滇國北有邛都國各立君長其人皆椎結左衽邑

聚而居能耕田夜郎者有女子浣于遯水有三節

大竹流入足間聞其中有號聲剖竹視之得一男

兒歸而養之及長有才武自立為夜郎侯以竹為

姓武帝元鼎六年平南夷為牂柯郡夜郎侯迎降天子賜其王印綬後遂殺之夷獠咸以竹王非血氣所生甚重之求為立後牂柯太守吳霸以聞天子乃封其三子為侯死配食其父今夜郎縣有竹王三郎神是也後漢書西南夷傳

按通鑑輯覽注牂柯郡治故且蘭侯邑今平越府平越縣嘉慶初府改直隸州故且蘭侯邑

元封元年分犍為置牂柯郡華陽國志按史漢言置牂柯在前一年漢志亦言牂柯元鼎六年開華陽志繫此年當自去年冬議置至

是始定也自此營自犍為來屬牂柯符仍屬犍為

二年分牂柯置益州郡華陽國志

二年六月遣將軍郭昌中郎將魏廣發巴蜀兵平西南夷未服者以為益州郡漢書武帝紀

漢連出兵三歲誅羌滅兩粵番禺以西至蜀南者置初郡十七且以其故俗治無賦稅南陽漢中以往各以地比給初郡吏卒奉食幣物傳車馬備具

師古曰地比謂依其次第自近及遠也而初郡又時時小反殺吏漢發南方吏卒往誅之間歲萬餘人師古曰間歲皆

仰太農太農以均輸調鹽鐵助賦故能澹之然兵所過縣縣以為訾給無乏而已不敢言輕賦法矣

漢書食貨志

昭帝始元元年牂柯談指同並皆反遣水衡都尉呂破胡擊破之

元年夏益州廉頭姑繒牂柯談指同並二十四邑皆反遣水衡都尉呂破胡募吏民及發犍為蜀郡犍命擊益州大破之應劭曰舊時郡國皆有材官騎士以赴急難今夷反兵常不足計之故權選取精勇聞命奔走故謂之奔命李斐曰平居發者二十以上至五十為甲卒今者五十以上六十以下為奔命奔命言急也師古曰應說疑漢書武帝紀

元年益州廉頭姑繒民反殺長吏牂柯談指同並等二十四邑凡三萬餘人皆反遣水衡都尉發蜀郡犍為奔命萬餘人擊牂柯大破之同上下南夷傳元鳳五年秋罷象郡分屬鬱林牂柯漢書昭帝紀成帝河平

河平中夜郎王興與鈞町王禹按本書紀云始元六年詔曰鈞町侯亡波率其邑君長人民擊反者斬首捕虜有功其立亡波為鈞町王漏臥侯俞更舉兵相攻牂柯太守請發兵誅興等議者曰為道遠不可擊乃遣太中大夫蜀郡張匡持節和解興等不從命刻木象漢吏立道旁射之杜欽說大將軍

年紀一

王鳳曰太中大夫匡使和解蠻夷王侯王侯受詔
已復相攻輕易漢使不憚國威其效可見恐議者
選奕復守和解太守察動靜有變乃以聞如此則
復曠一時王侯得收獵其眾深固其謀黨助眾多
各不勝忿必相殄滅自知罪成狂犯守尉遠滅温
暑毒草之地雖有孫吳將賁育士若入水火往必
焦沒知勇亡所施屯田守之費不可勝量宜因其
罪惡未成未疑漢家加誅陰救旁郡守尉練士馬
大司農豫調穀積要害處師古曰要害者在我選
任職太守往以秋涼時入誅其王侯尤不軌者卽

以爲不毛之地亡用之民聖王不以勞中國宜罷
郡放棄其民絕其王侯勿復通如曰先帝所立累
世之功不可墮壞亦宜因其萌芽早斷絕之及已
成形然後戰師則萬姓被害大將軍鳳于是薦金
城司馬陳立爲牂柯太守立前爲連然長不韋令
蠻夷畏之及至牂柯諭告夜郎王興興不從命立
請誅之未報廼從吏數十人出行縣至興國且同
亭召興興將數千人往至亭從邑君數十人入見
立立數責因斷頭邑君曰將軍誅亡狀爲民除害
願出曉士眾曰興興示之皆釋兵降鉤町王禹漏

臥侯俞震恐入粟千斛牛羊勞吏士立還歸郡興
妻父翁指與興子邪務收餘兵迫脅旁二十二邑
反至冬立奏募諸夷與都尉長史分將攻翁指等
翁指據阨爲壘立使奇兵絕其饗道縱反間曰誘
其眾都尉萬年曰兵久不決費不可共引兵獨進
敗走趨立營立怒叱戲下令格之都尉復還戰立
引兵救之時天大旱立攻絕其水道蠻夷共斬翁
指持首出降漢書西
成帝時夜郎王興與句町王禹漏臥侯俞更相攻
擊帝使太中大夫張匡本傳持節和解之句町夜

郎王不服乃刻木作漢使射之大將軍王鳳薦金
城司馬陳立爲牂柯太守何霸爲中郎將出益州
立旣到郡單至夜郎召興與邑君數十人來見
立立責數斬興邑君皆悅服興妻父翁指與興子
恥復反立討之威震南裔華陽國志

四年二月更官名位次及十二州名分界郡國所屬
罷置改易天下多事吏不能紀漢書平

按是時政自王莽出漢地理志曰牂柯郡莽曰
同亭犍爲郡莽曰西順毋斂縣莽曰有斂夜郎
縣莽曰同亭鉤町縣莽曰從化符縣莽曰符信

莽傳曰改太守曰大尹都尉曰大尉縣令長曰宰四夷僭號稱王者皆更為侯又曰郡縣以亭名者三百六十以應符命文其後歲復變更一郡至五易名而還復其故吏民不能紀其更改即始于是時也

新莽

五威將帥出改句町王以為侯王邯怨怒不附莽諷牂柯大尹周歆詐殺邯邯弟承起兵攻殺歆于是西南夷皆亂云漢書莽傳王莽篡位改漢制貶鉤町王以為侯王邯怨恨牂

柯大尹周欽

名異莽傳

詐殺邯邯弟承攻殺欽州郡擊

之不能服三邊蠻夷愁擾盡反復殺益州大尹莽

遣平蠻將軍馮茂發巴蜀犍為吏士賦斂取足于

民巨擊益州出入三年疾疫死者什七巴蜀騷動

莽徵茂還誅之更遣寧始將軍廉丹與庸部牧史

熊

孟康曰莽改益州為庸部

大發天水隴西騎士廣漢巴蜀犍

為吏民十萬人轉輸者合二十萬人擊之始至斬

首數千其後軍糧前後不相及士卒饑疫三歲餘

死者數萬

漢書西南夷傳

莽始建國三年十月馮茂擊句町不克下獄死更

遣寧始將軍廉丹與庸部牧吏熊擊句町頗斬首
有勝莽徵丹熊丹熊願益調度必克乃還復大賦
斂就都大尹馮英不肯給上言自越雋遂久仇牛
同亭邪豆之屬反畔以來積且十年郡縣距擊不
已續用馮茂苟施一切之政焚道以南山險高深
茂多毆眾以居費以億計吏士離毒氣死者十七
今丹熊懼于自詭期會調發諸郡兵穀復訾其民
取其十四師古曰發人訾空破梁州功終不遂宜
罷兵屯田明設購賞莽怒免英官後頗覺寤曰英
亦未可厚非復以英為長沙連帥四年更始將軍

廉丹擊益州不能克徵還更遣復位後大司馬護
軍郭興庸部牧李暉擊蠻夷若豆等地皇二年遣
國師和仲曹放助郭興擊句町同傳
王莽篡位更牂柯曰同亭郡不服會華陽國志
公孫述時大姓龍傳尹董氏與郡功曹謝暹保境
為漢乃遣使從番禺江奉貢光武嘉之並加褒賞
後漢書西
南夷傳

後漢

光武建武元年初罷郡國都尉官後漢書本紀

按是年四月公孫述自稱天子于成都至十一

年十一月吳漢滅宮始破之述被劊死華陽國志南中志牂柯郡下云公孫述時三蜀大姓龍傳尹董氏與功曹謝暹保郡聞漢世祖在河北乃遠使使由番禺江出奉貢漢朝世祖嘉之號為義郎後漢西南夷傳略同又按後書載犍為屬縣之符為符節改時未詳其後仍省稱符時亦未詳

十八年罷州牧置刺史

後漢本紀注云武帝元封五年初置部刺史掌奉詔條察

州秩六百石員十三人成帝綏和元年更名牧秩二千石哀帝建平二年復為刺史元壽二年復為牧經王莽變革至建武元年復置按今改置刺史

按前書地理志武帝置十三部刺史改梁曰益犍為牂柯並屬益州至是刺史牧名雖屢更犍牂之屬仍舊

安帝永初元年五月九直徼外夜郎蠻夷舉種內屬

後漢書本紀

按此疑別一夜郎非屬牂柯者

靈帝熹平五年改刺史新置牧

後漢書本紀

以劉焉領益

州牧

華陽國志公孫志

中平元年涼州黃巾賊攻下犍為黃巾逆賊馬相趙祗等聚眾綿竹殺縣令募疲役之民一二日得

數千人遣王饒趙播等進攻雒城殺刺史并下蜀郡犍爲旬月之間破壞三郡相自稱天子眾以萬數又別破巴郡殺太守州從事賈龍素領家兵在犍爲之青衣率吏民攻相破滅之

獻帝興平元年劉焉卒除劉璋領益州牧同上

建安十八年分犍爲地置江陽郡

江陽郡本犍爲枝江都尉建安十八年置郡漢安程徵石謙白州牧劉璋求立郡璋聽之以都尉廣漢成存爲太守華陽國志蜀志

按自此符屬江陽考後書本紀安帝永初元年

春正月分犍爲南郡爲屬國都尉郡國志載屬國屬縣爲漢陽朱提此以都尉置而屬縣乃江陽符益以其官置非以地置也

十九年先主定蜀華陽國志南中志趙雲自江州分定江陽

犍爲同上公孫志

按本書先主志書此事在十九年之前

蜀漢

昭烈帝章武元年以李恢爲庾降都督治平夷

建安十九年先主定蜀以鄧方治南昌夷漢敬其威信方卒先主問代于治中從事建寧李恢對曰

西零之役趙充國有言莫若老臣先主遂用恢為

都督治平夷縣

華陽國志南中志

李恢字德昂建寧人先主領益牧以為功曹書佐主簿更遷別駕從事章武元年庾降都督鄧方卒先主問恢誰可代者恢對曰人之才能各有短長故孔子曰其使人也器之且夫明主在上則臣下盡情是以先零之役趙充國曰莫若老臣臣竊不自揆惟陛下察之先主笑曰孤之本意已在卿矣遂以恢為庾降都督使持節領交州刺史住平夷縣

臣松之說之蜀人云庾降地名去蜀二千餘里時未有寧州號為南中立此職以總

撮之晉泰始中始分為寧州

後主建興元年夏牂柯太守朱褒擁郡反

三國志

魏氏春秋曰初益州從事常房行部聞褒將有異

志收其主簿案問殺之褒怒攻殺房誣以謀反諸

葛亮誅房諸子徙其四弟子越雋欲以安之褒猶

不悛改遂以郡叛應雍闓臣松之案以為房為褒

所誣執政所宜澄察安有妄殺不辜以悅奸慝斯

殆妄矣

三國志注

先主薨後牂柯郡丞朱裒領太守恣睢丞相諸葛亮以初遭大喪未便加兵遣越雋太守巴西

龔祿住安上縣遙領郡從事蜀郡常頌行部南人
至牂柯收郡主簿考訊姦寔因殺頌為亂華陽志

三年春三月丞相亮南征四郡四郡皆平改益州郡
為建寧郡分建寧永昌為雲南郡分建寧牂柯為興
古郡十二月亮還成都三國志

亮南征自安上由水路入越雋而別遣馬忠伐牂
柯李恢向益州高定元白旄牛定笮多為壘守亮
欲俟定元軍眾集合併討之軍卑水定元部曲殺
雍闓孟獲代闓為主亮既斬定元而馬忠破牂柯
夏五月亮渡瀘征益州生虜孟獲赦使還合軍更

戰足七虜七赦獲等心服曰明公天威也邊民長
不為惡矣秋遂平四郡改益州為建寧又分建寧
牂柯為興古郡以馬忠為牂柯太守華陽志

高定恣睢于越雋雍闓跋扈于建寧朱褒反叛于
牂柯丞相亮南征先由越雋而李恢案道向建寧
諸縣大相糾合圍恢軍于昆明時恢眾少敵倍又
未得亮聲息給謂南人曰官軍糧盡欲規退還吾
中間久斥鄉里乃今得還不能復北欲還與汝等
同計謀故以誠相告南人信之故圍守怠緩于是
恢出擊大破之追奔逐北南至槃江東接牂柯與

亮聲勢相援南土平定恢軍功居多三國志蜀志

十一年南夷豪率劉胄反擾亂州郡以州治中從事

馬忠代張翼為庠降都督討平之移都督治味縣

都督常重用人李恢卒後以蜀郡太守張翼為都

督翼持嚴法不得殊俗和夷帥劉胄反徵翼以馬

忠為代忠未至翼修攻戰方各資儲羣下懼翼曰

吾方臨戰場豈可以絀退之故廢公家之務乎忠

至承以滅胄蜀賜翼爵關內侯華陽國志南中志

張翼字伯恭犍為武陽人建興九年為庠降都督

綏南中郎將翼性特法嚴不得殊俗之歡心者卒

劉胄背叛作亂翼舉兵討胄胄未破會被徵當還

羣下咸以為宜便馳騎即罪翼曰不然吾以蠻夷

蠢動不稱職故還耳然代人未至吾方臨戰場當

運糧積穀為滅賊之資豈可以黜退之故而廢公

家之務乎于是統攝不懈代到乃發馬忠因其成

基以破殄胄丞相亮聞而善之以為前軍都督

十一年南夷豪率劉胄反擾亂諸郡徵庠降都督

張翼還以馬忠代翼忠遂斬胄平南土加忠監軍

奮威將軍封博陽亭侯初建寧郡殺太守正昂縛

太守張裔于吳故都督常駐平夷縣至忠乃移治

味縣處民夷之間並三國志蜀志

益部耆舊傳曰張嶷隨馬忠討叛羌軍以克捷後南夷劉胄又反以馬忠為督康降討胄嶷復屬焉戰鬥常冠軍首遂斬胄平南事訖牂柯興古獠種復反忠令嶷領諸營往討嶷內招降得二千人悉

傳詣漢中三國志張嶷傳注按嶷字伯岐巴西南充國

按馬忠後蜀郡張表代為都督加安南將軍又以捷為揚戲華陽志為參軍副貳之表後以南郡閻宇為都督南郡霍弋為參軍弋甚善參毗之禮遂代宇為監軍安南將軍撫和異俗為之

立法施教輕重允當及晉仍因其任張表字伯達蜀郡成都人有威儀風觀為時名士清望踰忠閻宇字文平南郡人夙有功幹于事精勤其威風稱績皆不及忠楊戲字文然捷為武陽人少與表並知名霍弋字紹先南郡枝江人見華陽志及三國志並注

晉

武帝泰始六年閏月承五詔南中諸郡無出今年戶調八月分益州之南中四郡置寧州曲赦四郡殊死以下晉書武帝紀

康降都督霍弋卒子在龔領其兵和諸姓泰始六年以益州大分南中四郡爲寧州鮮于嬰爲刺史太康三年罷寧州置南夷以天水李毅爲校尉持節統兵鎮南中毅後永昌呂祥爲校尉祥後數人廣漢李毅爲校尉華陽國志南中志

按是時牂柯仍屬益州

太康四年夏六月牂柯獠二千餘落內附

十年十二月西南夷二十餘國來獻虜並晉書武帝紀

惠帝太安元年復置寧州增統牂柯益州朱提

李毅爲南夷校尉建寧太守杜俊朱提太守雍約

懦鈍無治政以賄成俊奪大姓鐵官令毛詵中郎

李督

後賢志作睿

部曲致詵弟耐罪朱提大姓太中大

夫李猛有才幹弟爲功曹分當察舉而俊約受都

尉雷逢賂舉逢子炤孝廉不禮猛猛等怨之太安

元年秋詵督猛逐俊以叛猛亦逐約應之作亂衆

數萬毅討破之斬詵首督走依違耶五茶夷帥于

陵承猛箋降毅惡其言遂誘殺之行部永昌從事

江陽孫辨上南中形勢七郡斗絕晉弱夷強加其

土人屈寒應復寧州以相鎮慰冬十一月丙戌詔

書復置寧州增統牂柯益州朱提合七郡爲刺史

加龍驤將軍進封成都縣侯二年于陵承詣毅請
恕督罪毅許之督至羣下以爲誅督破亂州土必
殺之毅不得已許諾及死督于陵承及誅猛違耶
怒扇動謀反奉建寧太守巴西馬恢爲刺史燒郡
僞發毅方疾作力出軍初以救恢及聞其情乃殺
恢夷愈強盛破壞郡縣役吏民會毅疾甚軍運不
利晉民或入交州或入永昌牂柯半亦爲夷所困
虜夷因攻圍州城毅但併力固孤城病篤不能戰
討時李特李雄作亂益州而所在有事救援莫致
毅上疏陳謝不能式遏寇虐疾與事遇使虜遊覓

兵穀旣單器械窮盡而求救無望坐待殄斃若必
不垂矜憂乞請大使及臣尚存加臣重罪若臣已
死陳屍爲戮光熙元年春三月毅薨子釗任洛還
赴到牂柯路塞停住交州文武以毅女秀明達有
父才遂奉領州事秀初適漢嘉太守廣漢王載將
家避地在南故共推之又以載領南夷龍驤參軍
秀獎勵戰討食糧已盡人但茹草炙鼠爲命秀伺
夷怠緩輒出軍掩破首尾三年釗乃得達丁喪文
武復逼釗領州府事

華陽國志
南中志

太安二年

李雄克成都蜀人流散東下江陽南入七郡晉書載記

按晉載記未書年以華陽國志大同志知之

懷帝永嘉元年益州民流移在荆襄州及越雋牂柯尚書置郡縣就民所在華陽國志大同志

按尚羅尚惠帝時爲益州刺史

夏五月建寧郡夷攻陷寧州死者三千餘人晉書本紀四年以王遜爲寧州刺史

李毅故吏毛孟等詣洛求救至欲自刎懷帝乃下交州使救助之以釗爲平寇將軍領南夷護軍遣御史趙濤贈毅少府謚曰威侯交州刺史吾彥遣

子威遠將軍咨以援之朝廷以廣漢太守魏興王遜爲南夷校尉寧州刺史代毅自永嘉元年受除四年乃至遙舉建寧董敏爲秀才郡久無太守功曹周悅行郡事輕敏不下其板遜至怒殺悅悅弟秦臧長周易合夷叟謀以趙濤父混昔爲建寧有德惠欲殺遜樹濤遜誅之并殺濤夷晉莫不惶懼表釗爲朱提太守治南廣禦雄時荒亂後倉無斗粟眾無一旅官民虛竭繩紀弛廢遜惡衣菜食招集夷民夷徼厭亂漸亦返善勞來不怠數年克復以五茶夷昔爲亂首圖討之未有致罪會夷發夜

郎莊王墓遜因此遂討滅之及討惡獠剛夷數千
落威震南方官至平西安南將軍又兼益州刺史
加散騎常侍封襄中伯而嚴猛太過多所誅鉏犍
爲太守朱提雷炤流民陰貢平樂太守董霸破牂
柯平夷南廣北降李雄建寧爨量與益州太守李
易梁水太守董謹保興古槃以南叛雄遣叔父驤
破越雋伐寧州遜使使督護雲南姚岳距驤于螳
螂縣違遜指授雖大破驤不獲大興四年遜發病
薨州人推中子堅領州事華陽國志南中志
王遜字邵伯魏興人也仕郡察孝廉爲吏部令史

轉殿中將軍累遷上洛太守轉魏興太守惠帝末
西南夷叛寧州刺史李毅卒城中百餘人奉毅女
固守經年永嘉四年治中毛孟詣京師求刺史不
見省孟固陳曰君亡親喪幽閉窮城萬里訴哀不
垂愍救旣慙包胥無哭秦之感又愧梁妻無崩城
之驗存不若亡乞賜臣死朝廷憐之乃以遜爲南
夷校尉寧州刺史使于郡使之鎮遜與孟俱行道
遇寇賊踰年乃至外逼李雄內有夷寇吏士散沒
城邑邱墟遜披荒糾厲收聚離散杖威刑鞭撻殊
俗遜未到州遙舉董聯爲秀才建寧功曹周悅謂

聯非才不下版檄遜既到收悅殺之悅弟潛謀殺
遜以前建寧太守趙混子濤代爲刺史事覺並誅
之又誅豪右不奉法度者數十家征伐諸夷俘馘
千計獲馬及牛羊數萬餘于是莫不振服威行寧
土又遣子澄奉表勸進于元帝帝嘉之累加散騎
常侍安南將軍假節校尉刺史如故賜爵襄中縣
遜以地勢形使上分牂柯爲平夷郡分朱提爲南
廣郡分建寧爲夜郎郡分永昌爲梁水郡又改益
州郡爲晉寧郡事皆施行先是越雋太守李釗爲
李雄所執自蜀逃歸遜復以釗爲越雋太守李雄

遣李驥任回攻釗釗自南秦爲漢嘉太守王載共
距之戰于溫水釗敗績載遂以二郡附雄後驥等
又渡瀘水寇寧州遜使將軍姚崇襲琛距之戰于
堂狼大破驥等崇追至瀘水透水死者千餘人崇
以道遠不敢渡水遜以崇不窮追也怒囚羣帥執
崇鞭之怒甚髮上衝冠冠爲之裂夜中卒遜在州
十四年州人復立遜中子堅行州府事詔除堅爲
南夷校尉寧州刺史假節諡遜曰壯陶侃懼堅不
能抗對蜀人太寧未表以零陵太守尹奉爲寧州
徵堅還京病卒

晉書
列傳

年紀一

五年分牂柯置平夷夜郎二郡

按晉分牂柯夜郎郡史傳所繫年頗不畫一華陽國志曰晉元帝世太守建寧孟才以驕暴無恩郡民王清范期逐出之刺史王遜怒分營半爲平夷郡夜郎以南爲夜郎郡而晉書志云永嘉二年分牂柯立平夷夜郎二郡又愍紀建興四年有平夷太守雷炤永嘉建興皆在元帝前何至元帝時始分郡乎然二書並言分郡自王遜遜傳曰遜以地勢形便上分牂柯爲平夷郡云云事施行而遜以永嘉四年毛孟之請乃爲

南夷校尉寧州刺史且道遇寇賊踰年乃至華陽志亦云遜以永嘉元年除授四年乃至則遜至鎮時已是永嘉四五年間又不應二年已分郡蓋晉志二年乃五年之誤宋書志平蠻太守永嘉五年王遜分立可證華陽志云元帝乃愍帝之誤志又于平夷郡下云元帝建興元年置亦愍帝之誤元帝無建興元而有太興所由來矣水經延江水注晉建興元年置平夷郡知謂愍帝也至晉志常書前後異一年者永嘉五年據上形便之時建興元年據下施行爲說始事

成事兩不相妨也

愍帝建興四年夏五月平夷太守雷焯害南廣太守

孟桓北降李雄晉書本紀

按自此以後至梁平夷事史不復及其及寧州者略書之亦可推見當時情勢

東晉

元帝永昌元年敦以其兄含為衛將軍自領寧益二州都督

咸和八年春正月景寅李雄將李壽陷寧州刺史尹奉及建寧太守霍彪並降之晉書本紀

李雄遣李壽攻朱提又遣鎮南任回征木落分寧

州之援寧州刺史尹奉降遂有南中之地晉書載記

奉威刑緩鈍政治不理咸和八年遂為雄弟壽所

破獲南中盡為雄有惟牂柯謝恕不為壽所用遂

保郡獨為晉官至撫夷中郎將寧州刺史冠軍將

軍華陽國志南中志

咸康二年冬十月廣州刺史鄧嶽遣督護王隨擊夜

郎新昌太守陶協擊興古並克之

四年秋八月景午分寧州置安州

按宋書志是年分置安州者牂柯夜郎朱提越

雋四郡

五年春三月乙丑廣州刺史鄧嶽伐蜀建寧人孟彥執李壽將霍彪以降夏四月辛未征西將軍庾亮遣參軍趙松擊巴郡江陽獲石季龍將李閔黃桓等七年冬十二月罷安州

康帝建元元年夏四月益州刺史周撫西陽太守曹據伐李壽敗其將李恆于江陽
穆帝

按永和三年三月桓温攻降李勢四月蜀人鄧定隗文舉兵反復據成都七月隗文立范賁為

帝五年周撫朱壽擊獲之

於符置安樂縣元和郡志

海西公太和元年夏六月戊子使持節都督寧益二州諸軍事鎮西將軍益州刺史建城公周撫卒

六年三月壬辰監益寧二州諸軍事冠軍將軍益州刺史建城公周楚卒秋八月以前寧州刺史周仕孫為假節監梁益二州諸軍事益州刺史

按晉末以避桓温父諱改平夷郡縣為平蠻宋齊因之

宋

武帝永初元年以會稽散騎常侍應襲爲寧州刺史
少帝景平元年省寧州之江陽犍爲安上三郡合爲
宋昌郡

按宋志別有東江陽而無江陽晉江陽舊縣必
在宋昌中矣而志不列宋昌符或易名或陷失
不可知矣

文帝元嘉五年冬十月辛卯以安陸公相周籍之爲寧
州刺史
十五年秋七月甲戌以陳南頓二郡太守徐循爲寧
州刺史

十八年晉寧太守爨松子反叛寧州刺史徐循討平
之

十九年冬十月己亥以晉寧太守周萬歲爲寧州刺
史

二十七年春正月辛未制交寧二州假板郡縣俸祿
聽依臺除

三十年八月丁亥以沛郡太守垣閔爲寧州刺史
孝武帝建元元年九月丙申以彊弩將軍尹懷順爲
寧州刺史

大明二年八月己丑以彊弩將軍杜叔文爲寧州刺

史

三年夏四月丙午以建寧太守符仲子為寧州刺史
四年二月己未以員外散騎侍郎費景緒為寧州刺
史

五年八月戊子以北中郎參軍費伯宏為寧州刺史
明帝泰始六年戊子以奉朝請孔王為寧州刺史

後廢帝元徽二年八月辛酉以征虜行參軍劉延祖
為寧州刺史

五年春二月壬申以建寧太守柳和為寧州刺史
宋並書本紀

順帝昇明二年傳玟假節督益寧二州軍事南齊書良吏傳

南齊

高帝建元元年五月詔遣使分行四方遣兼散騎常
侍十二人巡行以交寧道遠不遣使

武帝永明二年夏四月乙巳以寧朔將軍程法勤為
寧州刺史

三年秋七月丁亥以驃騎中兵參軍董仲舒為寧州

刺史並南齊書本紀魏書高祖紀太和十九年正
刺史董巒田益宗傳益州內附之後蕭鸞遣寧州刺
史追討之官軍進擊執巒巒字仲舒營陽人太和十
九年當齊明帝建武二年間此十年

十年秋八月丙辰以新城太守郭安明爲寧州刺史
海陵王延興元年八月庚戌以車騎板行參軍李慶
綜爲寧州刺史

明帝建武三年五月乙巳以前新除寧州刺史李慶
宗爲寧州刺史

和帝中興元年三月壬子以征虜將軍柳惔爲益寧
二州刺史

並南齊
書本紀

按齊書州郡志平蠻郡仍屬寧州惟鬻作穀邑
或寫者誤斷鬻爲二又譌敝爲穀也州屬又有
宋昌郡屬江陽安上犍爲三縣當卽宋景平元

年以三郡所置後又載永明二年置江陽犍爲
郡建武置安上郡或卽以三縣爲之耶又益州
屬郡有東江陽其屬縣有安樂水經注云安樂
水逕安樂縣界之東元和郡縣志瀘州瀘川縣
漢江陽縣地晉穆帝于縣置東江陽郡合江縣
本漢符縣地晉穆帝置安樂縣梁改置安樂戍
周改爲合江縣安樂山在縣東八十里因取名
焉是時漢晉之符或盡在此安樂中或宋昌屬
之江陽亦有其地不可考矣平蠻郡此後亦無
考州郡志有鎮蠻校尉隸寧州

梁

武帝天監十四年

按是年當魏世宗延昌四年魏書紀曰四年二月蕭衍寧州刺史任太洪率眾寇關城益州長史成興孫擊破之

大同十一年以徐文盛為寧州刺史

文盛字道茂彭城人世仕魏為將父慶之天監初率千餘人自北歸款未至道卒文盛仍統其眾稍立功績高祖甚優寵之大同末以為持節督寧州刺史先是州在僻遠所管羣蠻不識教義貪欲財

陳隋

賄劫篡相尋前後刺史莫能制文盛推心撫慰示以威德夷獠感之風俗遂改世祖以為城北都督贓污甚多除官爵怨望下獄死

梁書列傳南史略同

梁武帝奄有舊吳其後務恢境宇頻事經略開拓閩越克復淮浦平俚洞破牂柯又以舊州遐闊多有析置既而侯景構禍臺城淪陷墳籍散逸注記無遺郡縣戶口不能詳究逮于陳氏士宇彌蹙西亡蜀漢北喪淮肥威力所加不出荆揚之域周氏

初有關中百度草創遂乃訓兵教戰務穀勸農南
清江漢西兼巴蜀卒能以寡敵眾戡定疆鄰及于
東夏削平多有省廢高祖受終開皇三年遂廢諸
郡洎于九載廓定江表尋以戶口滋多析置州縣
煬帝嗣位又平林邑更置三州既而併省諸州尋
即改州為郡乃置司隸刺史分部巡察隋書地理志
文帝開皇初置牂州牂柯郡統縣二牂柯帶郡賓化同
煬帝大業七年置綏陽縣屬明陽郡元和郡縣志
按本書又云綏陽縣隋大業十二年巴郡丞梁
粲招慰所置綏陽山在縣北二十九里縣以為

名其年未詳孰是

八年置寧夷縣屬明陽郡

十一年招慰置義泉縣以帶山泉為名並元和郡縣志

按本書為名下繼之云屬義州當言唐時所屬
未必隋已有義州也

十二年招慰置都上縣其處是酋豪首領都集之所
因以為名元和郡縣志

唐

高祖武德二年以信安義泉綏陽三縣置義州並置
都牢洋川二縣唐書

按二縣並屬義州元和郡縣志洋川縣武德二
年于今縣東北置屬義州貞觀十四年于今理置
三年牂柯首領謝龍羽遣使來朝以其地為牂州拜
龍羽刺史封夜郎郡公孫志

昆明東九百里即牂柯國也牂柯蠻東距辰州二
千四百里其南千五百里即交州也無城郭土熱
多霖雨稻粟再熟無徭役戰乃屯聚剽木為契盜
者倍三而償殺人者出牛馬三十首領姓謝氏至
龍羽有兵三萬武德三年遣使者朝以其地為牂
州拜龍羽刺史封夜郎郡公唐書南蠻傳

牂州武德三年以牂柯首領謝龍羽也置四年更
名柯州初牂為下州開元中降為羈縻縣三建安
賓化新興建安本牂柯武德二年更名新興與州
同置右隸黔州都督府唐書地理志諸蠻州

按牂州三縣惟新興後置即隋之牂柯郡而後
以割置郎州者說詳建置門

四年明陽郡改夷州元和志

夷州義泉郡本隋明陽郡地武德四年以思州之
寧夷縣置

寧夷武德四年析置夜郎神泉豐樂綏養雞翁伏

遠明陽高富思義丹川宣慈慈岳十二縣唐書

十道志曰夷州義泉郡古徼外蠻夷之地漢置牂

柯郡歷代恃險不聞臣附隋大業七年始招慰置

綏陽縣屬明陽郡唐武德四年置夷州太平御覽

五年改義州曰智州

六年省雞翁並唐書

太宗貞觀元年二月分天下為十道夷州領于江南

道本通鑑

按是後所置播珍溱所改牢並隸江南是時智未省改當亦同隸

是年廢夷州元和志

州廢省夜郎神泉豐樂以寧夷伏遠明陽高富思

義丹川隸務州宣慈慈岳隸涪州綏養隸智州唐書

四年省都牢縣本唐書

於黔州都上縣復置夷州元和志

夷州貞觀元年廢四年復以黔州之都上縣開南

蠻置唐書

五年以廢邠州之樂安宜林芙蓉瑯川隸智州唐書

按邠州未詳何時置廢當即在是年而元和郡

縣志云貞觀五年置芙蓉縣在芙蓉山上因為

名後移于山東三里唐志亦云芙蓉貞觀五年
置隸邠州廢置不應併在一時俟考

六年復置雞翁縣屬夷州

九年以隋牂柯郡之牂柯縣置郎州

恭水縣貞觀元年以牂柯地置並置高山貢山柯

盈邪施釋鷲五縣及郎州廢縣亦省並唐書

按元和郡縣志貞觀元年于牂柯北界置郎州元

麟誤改州與唐志恭水貞觀元年置元並九之譌

志云九年置郎州元和志帶水縣下亦云九年

置柯盈縣屬郎州元作朗太平御覽引十道志

亦言九年置郎州故知元誤字也又明統志云

貞觀初置郎州孫陳二志並云貞觀三年分牂

柯北界置郎州領恭水等六縣又開山洞置播

川鎮其年並誤置播川鎮見後

十一年以高富屬夷州改智州曰牢州徙治義泉唐志

十道志曰牢州定川郡本巴蜀西南徼外夷秦屬

象郡漢屬牂柯郡唐置義州改為智州貞觀十一

年改為牢州以牢石為名太平御覽

按元和志云武德中于義泉縣置牢州恐誤

廢郎州縣亦省夷州徙治綏陽

十三年復置邛州改名播州

復置唐書

十道唐書郡秦夜郎縣之西南隅惠王

十唐書地以武關之外易之今隸黔

府即經唐書武帝平西南夷置牂柯郡其

地屬焉唐書此界置邛州後省十三年又

于其地置唐書播川因名焉太平御覽

十四年更恭小曰羅蒙高山曰舍月貢山曰湖江柯

盈曰帶水邪施曰羅為釋鷲曰胡刀唐書

帶水因縣北有帶水為名元和志

十六年更羅蒙曰遵義唐書

置珍濠二州

珍州管縣三夜郎麗皋樂源並十六年開山洞與

州同置三縣並在州側近或十里或二十里隨所

畚種田處轉移不常厥所

濠州本巴郡南境十六年有渝州萬壽縣人牟智

才上封事請于西南夷竇渝之界招慰不庭建立

縣至十七年置以南有濠溪水為名管縣二榮懿

扶觀通典新舊唐書宋史十六年與州同置扶觀

以縣東扶觀山為名並元和志

唐書 溱州縣榮懿貞觀十六年置並置扶歡樂來二縣

十道志曰珍州夜郎郡古山僚夜郎國之地貞觀十七年廓闢邊夷置播川鎮後因川中有降珍山因以鎮為珍州取山名郡也溱州溱溪郡古蠻夷之地貞觀八年開拓南蠻于榮懿縣立溱州地多貢象牙後或為溱溪郡太平御覽

按十道志載置二州年不與唐書元和志相應俟考又通典載珍州屬縣尚有榮德不知何時所省又按元和志載夷播珍溱並江南道黔中

觀察使管

廢寧州省綏養樂安宜林以綏陽義泉洋川屬夷州芙蓉瑯川隸播州唐書

按元和志云十七年寧州廢以義泉屬夷州後唐書一年

高宗永徽

永徽後省雞翁高富唐書

顯慶五年省舍月湖江羅為唐書

按唐志言省于遵義縣下當入遵義也

咸亨元年省樂來唐書

按唐志言省在榮懿下

中宗嗣聖七年

武后天授元年十月辛未貶邢文偉為珍州刺史
十二年

武后天冊萬歲元年一月戊子貶杜景佺為濠州
刺史並唐志

按通鑑書景佺事作景儉

景龍元年以播州為都督府

黔州都督府貞觀四年置總務施業辰智牂充應
莊九州聖歷九年罷都督府景龍二年又罷莊州

都督府復以播州為都督府元和志

上同元宗先天二年罷播州都督府復以黔中為都督府

開元二十五年復以寧夷屬夷州

二十六年省瑯川胡刀入芙蓉唐書

又于黔中置採訪處置使又隸五溪諸州入黔中道
仍加置經略使元和志

按本書云黔州今為黔州觀察使理所夷珍濠
播並所管州則採訪處置經略使自亦並管諸
州也觀察使置年未詳

天寶五載春正月貶皇甫惟明為播州太守

通鑑輯覽

初太子之立非李林甫意恐異日為已禍欲搖動

之隴右節度使皇甫惟明嘗為忠王友

太子先時封忠王

破吐蕃入獻捷見林甫專權勸上去之林甫知之

使楊慎矜密伺其所為會正月望夜太子出遊與

韋堅相見

堅為太子妃兄

堅又與惟明會于景龍觀慎矜

遂告堅與惟明謀立太子收下獄林甫使慎矜等

鞫之上亦疑堅與惟明有謀而不顯其罪皆貶之

按孫志云是年改播州縣為播川郡明統志亦

云天寶中播州改播川郡乾元初復為播州

六載春正月殺皇甫惟明

李林甫奏分遣御史賜皇甫惟明韋堅等死

並同上

按唐書本紀云五載七月殺播川郡太守皇甫

惟明年月有異

開元中牂柯以趙氏為酋長其裔趙國珍天寶中

有戰功閣羅鳳叛宰相楊國忠兼劍南節度使以

國珍有方略授黔中都督屢敗南詔護五溪十餘

年天下方亂其部獨寧終工部尚書

唐書南蠻傳

憲宗元和三年廢珍州縣皆屬溱州

本唐書

四年閏月己酉以旱禁刺史境內權率諸道旨條外

進獻黔南黔中福建掠良民爲奴婢者

六年閏月辛卯辰澂州首領張伯靖反寇播費二州

八年四月己亥黔中經略使崔能討張伯靖五月癸

亥荆南節度使嚴綬討張伯靖七月己巳劍南東川

節度使潘孟陽討張伯靖八月辛巳湖南觀察使柳

公綽討伯靖丁未伯靖降

並害書紀

元和中辰澂蠻酋張伯靖嫉本道督斂苛刻聚眾

叛侵播費二州黔中經略使崔能湖南觀察使柳

公綽討之三歲不能定伯靖上表請隸荆南乃降

崔能內恨之更請調荆南湖南桂管軍爲援約西

原十洞兵皆出可以成功公卿議者皆以爲便宰

相李吉甫曰伯靖挾怨而叛壓以大兵而招之可

不戰自定乃命能兵無出獨詔嚴綬招伯靖率家

屬詣江陵降

同上南蠻傳

按貴州通志書辰敘蠻寇播費在天寶六年誤

宣宗大中十三年冬十一月南詔僭號寇陷播州

初韋皋開清溪道以通羣蠻使人貢又選羣蠻子

弟聚之成都教以書數以羈縻之旣而軍府厭于

廩給又蠻使人貢利于賜與所從僮人浸多杜悰

奏減其數南詔豐祐怒入貢不時頗擾邊境豐祐

死子曾龍立朝廷以名近元宗諱遂不行冊禮曾

龍乃自稱皇帝改國號大禮遣兵陷播州綱鑑

舊紀實錄今年皆無陷播州事惟新紀有之實錄

咸通六年三月盧潘奏云大中十三年南蠻陷播

州補國史口雲南自大中初朝貢使及西川質子

子人數漸多節度使奏釐革減省有詔許之錄詔

報雲南雲南回牒不遜新南詔傳曰朝貢歲至從

者多杜棕自西川入朝表無多內蠻僭豐祐怒即

謾言索質子蓋謂蠻子弟學成都者也按杜棕以

咸通二年七月入朝而豐祐大中十三年已死則

建議減蠻僭者必非棕入朝後事新傳誤也通鑑考異

十三年雲南蠻陷播州唐書紀大中時李琢為安南

都護府苛墨自私以斗鹽易一牛夷人不堪結南

詔陷安南都護府然南詔朝貢猶歲至杜棕自西

川入朝表無多納蠻僭豐祐怒即漫言索質子會

宣宗崩使者告哀是時豐祐亦死坦綽曾龍立志

朝廷不弔卹又詔書乃賜故王以草具進使者而

遣遂僭稱皇帝建元建極自號大禮國懿宗以其

名近元宗嫌諱絕朝貢乃陷播州同上南蠻傳

按楊升菴南詔野史云大中已卯南詔豐祐陷

播州咸通庚辰南詔世隆唐書作龍絕朝貢寇播

州與史不應豈別有據歟

懿宗咸通元年十月安南都護李鄴克播州唐書紀

安南都護李鄴殺蠻酋杜守澄已而鄴越境收取

播州通鑑輯覽

播州屬黔中道大中十三年為雲南所陷此非安

南道屬也李鄴越境收復欲以為功而不知蠻兵

乘虛已陷安南也通鑑注

僖宗乾符初年太原楊端應募取播州克之授安撫

使孫陳志

南詔陷播李鄴復之尋仍為所陷乾符初太原人

楊端應募領兵復之世為州刺史貴州通志

按楊端復播唐宋史皆未書而見元明兩史端

授安撫使及世州刺史未詳所據考宋史諸蠻

傳云唐季之亂蠻酋分據其地自署為刺史明

統志云播州唐末沒于蠻疑州刺史者得之

又按黃震古今紀要僖宗相蕭遘斥播州道三

峽白帝呵之考遘傳云遘貶播州司馬則是時

尚有流官也

五代

按孫陳二志川貴兩通志並云乾符初楊端復播州白後王建孟知祥相繼據其地考五代史職方考載前後蜀所有州珍播濠夷皆不之及前蜀世家唐乾寧三年五月昭宗詔建罷兵還成都黔南節度使王肇以地降于建四年遣王宗侃宗阮等取渝瀘州建自將攻東川昭宗詔建罷兵不奉詔乃責授建南州刺史天復三年八月唐封建蜀王七年時昭宗改元天祐已四年西川隔絕不知仍稱復建卽皇帝位是年唐亡子衍嗣後唐同光三年降唐後蜀世家梁明宗四年二月制以知祥檢校

太尉行成都尹劍南東西兩川節度管內觀察處置統押近界諸蠻安撫制置等使又冊封知祥蜀王明年卽皇帝位志所謂相繼據其地豈卽在降黔南取渝瀘及統押近界諸蠻中耶意自唐末來珍播濠夷悉爲蠻酋所據朝廷以其邊遠不復問及前後蜀以大國稱帝受其統制理所必然特未能復疆理而州縣之故史不及耳又考夷播等州在晉高祖時附楚史世家有明文而職方考不載諸志皆失之引見後

晉天福五年春二月楚平羣蠻通鑑

楚馬殷子希範襲殷官爵封楚王天福四年加天
冊上將軍承制如殷故事溪州刺史彭士然率錦
獎諸蠻攻澧州希範遣劉勅劉全明等以步卒五
千擊之士然大敗勅等攻溪州士然走獎州遣其
子師曷率諸蠻酋降于勅溪州西接牂柯兩林南
通桂林象郡希範乃立銅柱爲表命學士李皋銘
之于是南寧州酋長莫彥殊率其本部十八州都
雲酋長尹懷昌率其昆明等十二部牂柯張萬濬
率其夷播等七州皆附于希範五代史楚世家
宏簡錄略同楚亡

于周廣
順元年

遵義府志卷三十九

通義府志卷四十

年紀二

宋

太祖乾德三年秋七月珍州刺史田景遷內附

孫志

按宋史西南溪峒諸蠻傳唐季之亂蠻酋分據其地自署刺史即謂此等而高州蠻傳又云賜名珍州明統志亦云給賜珍州郡名蓋因獻地即以自署者予之也

開寶元年珍州刺史田景遷言本州連歲災沴乞改爲高州從之

宋史

按元豐九域志西高州夜郎郡領夜郎麗高榮德樂源四縣在夔州路省廢州軍中卽此高州明統志亦作西高州云景遷上言自給賜珍州部名以來連遭火災乞改州名太祖從之改爲西高州並鑄五溪都防禦使印以賜之

太宗太平興國三年八月辛未夷州蠻任朗政來貢按明統志云夜郎縣唐置屬珍州改屬溱州宋乾德中廢之熙寧中復置宣和間廢之故址在播州宣慰司北五十五里亦不知何據姑附此真宗咸平三年高州蠻來貢四年及景德三年大祥符六年並來貢

五年秋七月癸丑詔許高州蠻田彥伊子承寶等入朝賜器帛冠帶並宋史紀

二年二當五高州刺史田彥伊子承寶等百二十二人來朝賜巾服器幣以承寶爲山河使九溪十洞

撫諭都監貴州通志

按桐梓邱志云宋太平間置夜郎縣屬珍州殊無據

景德元年高州五姓義軍指揮使田文鄩來貢三年高州新附蠻酋八十九人來貢並貴州通志仁宗慶曆八年以黔州羈縻南溱二州隸渝州宋史志

按元豐九域志夔州路羈縻州涪州涪溪郡領榮懿扶歡二縣右隸渝州

神宗熙寧六年五月癸卯朔播州楊覲遷遣子光震來貢以光震為三班奉職詳

八年十一月熊本擊渝州獠平之置南平軍

渝州南川獠木斗叛詔本安撫之本進營銅佛垣

木斗舉秦州按當作涪州地五百里來歸為四砦九堡

建銅佛垣為南平軍召本還知制誥續通鑑綱目

十一月丙戌渝州改南平軍宋史

渝州蠻者唐南平獠也其地西南接烏蠻昆明哥

蠻大小播州部族數十居之治平中熟夷李光吉梁秀等三族據其地各有眾數千家以威勢脅誘漢戶有不從者屠之沒入土田往往投乞客戶謂之納身稅賦皆里胥代償藏匿亡命數以其徒偽為生獠劫邊民官兵追捕輒遁去習以為常密賂黠民覘守令動靜稍築城堡繕器甲遠近患之熙寧三年轉運使孫固判官張誄使兵馬使馮儀弁簡杜安行圖之以禍福開諭因進兵復賓化砦平蕩三族以其地賦民凡得租三萬五千石絲綿一萬六千兩以賓化砦為隆化縣隸涪州建榮懿扶

歡兩砦其外銅佛埧者隸渝州南川縣地皆膏腴
白光吉等平他部族據有之朝廷因補其土人王
進才充巡檢委之控扼進才死部族無所統數出
盜邊朝廷命熊本討之建爲南平軍以渝州南川
涪州隆化隸焉貴州通志

涪州熙寧七年招收唐涪州置業懿寨屬南平軍
崇寧中復立涪州

南平軍熙寧八年招收西南蕃部以恭州南川縣
銅佛埧地置軍隆化縣八年自涪州來隸南川縣
皇祐五年置縣隸恭州熙寧八年來隸尋廢爲鎮

隸隆化縣元豐元年復

並宋朝事實 宋志南平軍條同惟西南蕃作西番

同下州南平軍熙寧七年招收西南蕃部以渝州

南川縣銅佛地置軍治南川縣熙寧七年以

涪州隆化縣隸軍仍省渝州南川縣爲鎮入焉元

豐元年復置南川縣南川九鄉業懿開邊通安安

穩歸正五砦涪川一堡有松山得勝山七渡水隆

化軍東百四十五里七鄉七渡水一寨有永陵山

羅緣山夔溪胡陽溪元豐九城志

按史志言置軍七年八年渝州恭州參互不一
七年蓋言收蕃部之時八年乃置軍之時固不

相妨渝州至崇寧元年始改恭州則作渝者爲是宋朝事實謂七年置榮懿寨宋志漆溪砦下亦云本羈縻溱州領榮懿扶歡二縣熙寧七年招納置榮懿等砦隸恭州後隸南平軍二砦七年七字皆是三字之譌何以明之通志渝州蠻條與宋史渝州蠻傳同其書建榮懿扶歡兩砦並卽在三年孫固平蕩三族之時宋志所謂隸恭州應卽此時其後熊本討王進才部建南平軍始移以隸之志所謂後隸南平軍也二書蓋誤以隸南平年爲置砦年耳通鑑輯覽注銅佛

埧在南川縣南其地有金銅佛像二相傳爲唐明皇所鑄溱州唐置宋爲羈縻州後改爲榮懿等砦地在今重慶府綦江縣南接貴州遵義府界

元豐四年南平酋長楊光震助官軍破瀘夷乞弟殺其黨阿訛孫志

哲宗紹聖四年三月丁卯詔瀘南安撫司南平軍毋

擅誘楊光榮獻納播州疆土宋史

是歲播州夷楊光榮等內附孫志

徽宗大觀元年涪州夷駱世華駱文貴內附

二年六月乙酉以涪夷地為珍州並宋史紀

珍州唐貞觀末開山洞置唐末沒於夷大觀二年

大駱解上下族帥獻其地復建為珍州宋史志

高州蠻故夜郎也在涪州西南宋初其酋田仙景

遷以地內附賜名珍州拜為刺史仙以郡多火災

請易今名大觀二年有駱解上下族納土復以珍

名州云同蠻傳

珍州大觀二年大駱解上下族帥駱世華駱文貴

等獻地東西四百五里南北三百五十一里以其

地為珍州亦曰樂源郡復立樂源縣為州治焉珍

州本唐珍州後屬高州樂源縣本唐珍州屬縣朱朝

實事

龐恭孫字德孺以蔭補通判施州崇寧中部蠻向

文疆叛詔轉運使王蘧領州事致討恭孫說降文

疆而斬之蘧上其功進三秩知涪州遂以開邊為

已任誘珍州駱文貴承州駱世華納土費不貲轉

運判官朱師古劾恭孫生事詔黜師古而以恭孫

代於是溱播溪思費等州相繼降每開一城輒褒

遷五年間至徽猷閣待制威州守乞通保霸二州

進恭孫直學士知成都府委以招納未幾其酋董

年紀二

舜咨董彥博來納土詔遣赴闕皆拜承宣使賜第
京師更名保州祺州霸州亨州使恭孫進築之言
者論其貪縱究治如章謫保靖軍節度副使才踰
月起知陳州復待制帥瀘州又以築思州進學士
前後在西南二十年所得州縣多張名簿實瘠鹵
不毛地繕治轉餉為蜀人病無幾時皆廢宋史龐籍傳

籍單州武城人恭孫籍孫

按邵經邦宏簡錄於徽宗是年六月書瀘南夷
任應舉納土建為珍州渝州蠻趙秦等內附建
為溱州及應舉史云涪夷其納土所建是承州

非珍州且二人納土史皆有年無月邵氏誤也
惟趙秦史作趙秦未知孰是又史龐籍傳言承
州駱世華恐亦誤當以紀志及宋朝事實為準
是歲涪夷任應舉按此間當脫播州字楊文貴內附宋史
木攀首領趙泰播州夷族楊光榮各以地內屬詔建

溱播二州同上渝州蠻傳

播州樂源郡大觀二年南平夷人楊文貴按當作光榮
等獻其地建為州領播川琅川帶水三縣
溱溪砦本羈縻溱州領榮懿扶歡二縣熙寧七年
招納置榮懿等砦隸恭州後隸南平軍大觀二年

別置溱州及溱溪夜郎兩縣並宋史志

按建播州地乃楊光榮所獻宋朝事實言之甚詳觀與史渝州蠻傳合志云文貴未審耳孫志云三年楊文貴納土以其地置遵義軍於白綿堡領播川琅川帶水三縣白綿乃置播州地三縣亦播州所領非軍地軍領志誤合之也元豐九域志省廢州軍夔州路有播州播川部領遵義帶水芙蓉三縣其時並珍溱夷皆未復特舉唐制為言耳續通鑑綱目云渝州蠻內附以其地為溱州渝州蓋其總名木攀乃其析稱

三年春正月丁卯以涪夷地為承州宋史

承州本羈縻夷州大觀三年酋長獻其地建為承

州領綏陽都上義泉寧夷洋川五縣宋史

承州大觀二年蘇平帥任漢崇獻地東西三百五

十九里南北六百六十五里改為承州原註本唐

領綏陽都上洋川寧夷等縣皇朝收復但據夷人

所指以置縣然原其始析置移屬則都上近黔州

寧夷近思州宋史

按宋朝事實云任漢崇獻地宋史前年紀云任應舉內附亦猶珍州之駱有世華文貴同一事

也續通鑑綱目書涪州夷內附以其地為珍承
州在大觀元年十二月當緣龐恭孫傳合併書
之當以本紀為得元豐九域志省廢州軍夔州
路有夷州義泉郡領五縣與宋志同

紀 二月丙子朔播州楊文貴納土以其地置遵義軍

及遵義縣宋史 遵義軍大觀二年播州楊文貴獻其地建遵義軍
及遵義縣宋史 遵義軍大觀二年蕃帥楊文貴獻地東西百二十
里南北六百一十二里以其地置軍唐貞觀元按

九年析牂柯置遵義按當作恭水縣屬朗按當作郎州十一

年州廢縣亦省十三年復立播州亦復置縣十四
年更名羅蒙十六年更名遵義後自播州徙州治
唐袁播州為楊氏兩族所分據一居播州一居遵

義以江水為界其後居播州者曰光榮得唐所給
州銅牌居遵義者曰文貴得州銅印大觀二年兩
族各獻地皆自以為播州議者以光榮為族帥重

違其意乃以播州立州遵義立軍宋朝
按續通鑑綱目大觀三年春二月南平夷內附
以其地為遵義軍及播州言軍州一時置與李

攸說合蓋得之

六月甲戌以瀘夷地為純滋二州宋史

南廣蠻在敘州慶符縣以西大觀三年有夷酋羅永順楊光榮李世恭等各以地內屬詔建滋純祥

三州後皆廢宋史敘州

大觀二年建純州置九支安溪兩縣及美利城宣和二年廢純州及九支縣為九支城以安溪美利城為砦慈竹砦為堡

大觀三年建滋州置承流仁懷兩縣宣和三年廢州為武都城以仁懷為堡承流縣併入仁懷宋史

翻府

按置珍承溱播等州及遵義軍史志係年不一今以紀為主通鑑輯覽云大觀元年十二月涪州夷內附以其地為珍承州知涪州龐恭孫誘之也既而恭孫奏渝州南平夷內附置溱播州及遵義軍尋又奏瀘州夷納土置純滋州每開一城恭孫輒得裏遷恭孫在西南二十年所得州縣多張名簿實瘠鹵不毛地繕治轉餉為蜀人病未幾皆廢珍州唐置後沒於蠻宋復建地在今貴州遵義府桐梓縣承州宋置今遵義府

綏陽縣是遵義軍今爲府屬貴州滋州宣和中廢爲武都城在今遵義府仁懷縣純州在今瀘州

政和三年夏四月庚寅以復濠播等州降德音於梓潼路

五月壬寅以築濠播進執政官一等

宣和二年廢濠州及縣以濠溪砦爲名隸南平軍

三年播州廢爲城隸南平軍廢遵義縣以遵義砦爲

名隸珍州廢承州以綏陽縣隸珍州縣二樂源綏陽

宋史志

按孫志云宣和六年廢播州爲縣隸南平軍桐梓志亦云六年廢播州爲播川縣隸南平軍蓋本明統志而統志但云宣和中不云六年又宋志於夔州路下書北宋所領州軍有珍南平無承播遵義乃指省廢後爲說

高宗紹興元年秋七月珍州守臣李玠棄城去宋史紀

孝宗淳熙三年遷播川縣於穆家川卽今地孫志

十年南平旱

寧宗開禧三年冬十月乙卯復珍州遵義軍宋史紀

按宋志播州注云中有遵義砦開禧三年升軍

嘉定五年秋九月庚戌遵義砦按當夷楊煥來獻馬

宋史紀

十一年復遵義軍為砦宋史志

按孫志理宗端平二年廢遵義軍為播川寨隸珍州當即嘉定十一年事

理宗端平三年復以白綿堡為播州三縣仍廢宋史志

嘉熙二年遵義始有進士

先是設科取士未及播楊价請於朝而歲貢士三人至是再從周中周坦榜進士孫志

三年復設播州充安撫使宋史志

置播州沿邊安撫司屬夔路隸四川制置司孫志

播州始建孔子廟

安撫使楊文畱心文治建孔子廟以勵國民民從其化潛溪集

按建廟據普濟橋碑及潛溪集無年月而潛溪集言楊价卒嘉熙中故係於此其建處即今府城東府學左之文昌宮明統志云官慰司學以舊鄉學基建孫志云學廢見為梓潼宮陳志同明統志祠廟云文昌祠宋建蓋宋建為學而明復建至中葉廢始為祠須互勘乃得之

淳祐四年詔以播州人冉璉權知合州璉弟璞通判
州事

余玠進龍圖閣四川安撫制置使知重慶府兼四
川總領夔路轉運使大更弊政遴選守宰築招賢
館於府之左供張一如帥所下令當如諸葛集眾
思廣忠益欲有謀以告我者近則徑詣公府遠則
自言於郡所在以禮遣之高爵重賞朝廷不吝以
報有功豪傑之士趨期立事今其時矣士之至者
玠不厭禮接咸得其歡心言有可用隨其才任之
苟不可用亦厚遺以謝時播州冉氏兄璉弟璞自

言有文武才隱居蠻中前後辟召皆不應及是聞
玠賢相謂曰是可與語者詣府上謁玠素聞其名
引入分廷抗禮賓館之奉安之若素有居數月無
所言玠爲設宴酒酣坐客紛然競言所長璉兄弟
飲食而已玠以微言挑之卒默然玠曰是觀我所
以待之何如耳明日闕別館以處且使人窺其所
爲兄弟終日不言惟對踞以堊畫地爲山川城郭
之形起卽漫去如是又旬日請見屏人語曰某兄
弟辱明公禮遇思以少裨非敢同眾人也爲西蜀
計其在徙合州城乎玠不覺躍起執其手曰此玠

志也但未得其所耳曰蜀口形勝之地莫若釣魚山請徙諸此若任得其人積粟守之賢於十萬師遠矣巴蜀不足守也玠大喜曰玠固疑先生非淺士今豈敢掠美歸已當聞於朝請不次官之詔進玠端明殿學士除璉承事郎權發遣合州璞承務郎權通判州事徙城之務悉以委之命下一府皆噏以爲不可玠怒曰城成則蜀賴以安不成玠獨坐之無預諸君卒築青居大獲釣魚雲頂天生凡十餘城皆以山爲壘碁布星分爲諸郡治所屯兵聚糧爲必守計諸城如臂使指氣勢連絡緜簡

夏五月丁巳武功大夫雄威軍都統制楊价世守南邊連年調戍播州捍禦勤瘁詔价轉右武大夫文州

刺史

宋史紀

寶祐二年秋七月己酉詔以播州連年捍禦其守臣

楊文予官一轉餘推恩

宋志

四年五月甲辰羅氏鬼國遣報思播言元兵屯大理國取道西南將大人邊詔以銀萬兩使思播結約羅鬼爲援

宋史紀

按續宏簡錄大理傳云先是蒙古兵出靈關羅施鬼國卽遣使報思播言蒙古有事大理寶欲

取道西南大入中國當預爲之備思播守者聞諸朝宋廷臣皆言蒙古生長朔方恃馬騎爲用隆冬草枯盛夏出便當反北若踰番詔必須多歷時月滇黔之間岡嶺欹折策馬奔馳料不得遲縱使安據南詔方行東向須得交廣以窺吳楚是謂仰攻地利不便爲此慮者非迂則誣及大理已入蒙古假道斡腹遂其始謀乃出烏蒙趨瀘江過馬湖通道嘉定重慶直抵合州濟蜀江然後順流東下一軍歷邕桂至潭州一軍由廣南至衡州太弟忽必烈自北發師由汝南

入大勝關渡江圍鄂州與羅鬼先見之言符合而宋室遂不可支馴至滅亡方下詔責已勉諸道進兵亦何益哉

五年閏四月己酉田應寅乞屯瀘叙以援思播宏簡錄

六年春正月甲戌詔樞密院編修官呂逢年詣蜀閬

趣辦關隘屯柵糧相度黃平思播諸處險要緩急事

宜具工役以聞孫志

四月丁酉詔田應已思州駐劄御前忠勝軍副都統

制往播州共築關隘防禦宋史紀

按孫志云六年夏詔田應庚以思明都統往播

州築關隘防禦邊圉與史不合

秋七月乙亥呂文德入播州詔荆湖給銀萬兩孫志

十一月甲寅築黃平賜名鎮遠州呂逢年進一秩詔

撫禦沿邊將士宋史

開慶元年春正月癸丑詔呂文德城黃平深入蠻地

撫輯有方與官三轉孫志

夏四月丁丑以向士璧為湖北安撫副使知峽州兼

歸峽施珍南平軍紹慶府鎮撫使六月丙戌南平來

報戰功

秋七月癸亥以知播州楊文知思州田應庚守禦勤

勞詔各官一轉並宋史紀

是歲春元將紐璘犯思播二州獲將一人

按紐璘事據元史本傳云戊午之明年春云云

敘在中統前考中統前已未當理宗開慶元年

咸淳末以珍州屬播州縣一樂源宋史志

按宋志夔州路下書南渡後所領州軍有播無

珍有南平無遵義蓋據省廢後為說

瀛國公德祐元年四月癸亥加知思州田景賢知播

州楊邦憲並復州團練使趣兵入衛

九月辛未加田景賢福州觀察使楊邦憲利州觀察

使並宋史紀

端宗景炎二年春元軍入重慶府張珏死之播思等州皆降於元孫志

元

世祖十二年十二月己亥僉書四川行樞密院事皆順言紹慶府施州南平及諸蠻呂告馬蒙阿永等有向化之心又播州安撫楊邦憲思州安撫田景賢未知順逆乞降詔使之自新並許世紹封爵從之

十四年三月庚戌僉書東西川行樞密院事皆順言比遣同知隆州事趙孟焯齎詔招諭南平軍降田楊

二家豕鴉夷民亦各遣使納款

冬十月甲申播州安撫使楊邦憲言本族自唐至宋世守此土將五百年昨奉旨許令仍舊乞降璽書從之

十五年十一月丁亥以辰沅靖鎮遠等郡與蠻獠接壤民不安業命塔海程鵬飛並為荆湖北道宣慰使置司常德路餘官屬畱荆南府供給糧食軍需十二月庚辰思州安撫使田景賢播州安撫使楊邦憲請歸宋舊借鎮遠黃平二城仍撤戍卒不允景賢等請降詔禁戍卒毋擾思播之民從之並元史紀

丙申從播州安撫楊邦憲請以鼎山仍隸播州

十六年春正月改播州鼎山縣為播川縣並孫志

按鼎山縣宋史不載止有播川孫志二條同元

紀乃云改鼎山為播川意宋末已有改置而史

遺之也

二月甲辰命田楊二家貴官子女質子入侍

六月丁丑朔詔諭四川行中書省四道宣慰司撫治

播川婺川西南諸蠻夷官吏軍民各從其俗無失常

業

至元十七年三月甲辰思播州軍侵鎮遠黃平界命

李德輝往視之並元史紀

是年西南夷羅施鬼國既降復叛詔雲南湖廣四

川合兵三萬人討之兵且厭境德輝適被命在播

乃遣安珪馳駟止三道兵勿進復遣張孝思諭鬼

國趣降其酋阿察熟德輝名曰是活台州李公耶

其言明信可恃即身至播州泣且告曰吾屬百萬

人微公來死且不降今得所歸蔑有二矣德輝以

其言上聞乃改鬼國為順元路以其酋為宣撫使

元史李德輝傳其後有譖德輝受蠻馬千首帝曰是人朕

所素知雖一羊不妄受寧有是耶不聽德輝受降

還至黃平夜星竇如斗歎曰他日嘗夢主烏江今播水名烏江適遇是星竇吾死徵也吾嘗羨馬伏波老當益壯奇曹武惠為將不殺今所活者多馬革裹尸歸何憾病七日卒播民廟祀之續宏簡錄並貴州通志

十二月己卯羅氏鬼國土寇為患思播道路不通發兵千人與洞蠻開道貴州通志

十八年三月己亥敕黃平隸安西行省鎮遠隸潭州行省各遣兵戍守元史

閏八月丁巳命播州每歲親貢方物

十九年二月壬子詔令亦奚不薛及播思敘三州軍征緬國並孫志

二十一年三月辛亥敕思播管軍民官自今勿遷元紀

夏四月戊申敕發思播田楊二家軍二千從征緬孫志

閏五月己卯以思播二州隸順元路宣撫司

二十三年六月辛酉封楊邦憲妻田氏為永安郡夫人

領播州安撫司事元史

二十四年播州宣撫賽因不花即楊漢英等赴闕請畱順

元宣慰速哥孫志

二十六年十一月丙辰改播州為播西路元史

按孫志書改播南路於二十四年誤

二十七年二月播州安撫使楊漢英進雨氊千續宏簡錄

二十八年六月辛巳洞蠻鎮遠立黃平府元史紀

二十九年春正月丙辰播州洞蠻因籍戶懷疑竄匿

降詔招集之詔在以行播州軍民安撫使楊漢英為

紹慶珍州南平等處沿邊宣慰使行播州軍民宣撫

使播州等處管軍萬戶仍佩虎符孫

三月巳酉命奚不薛與思播州同隸湖廣省元史紀

庚戌賜速哥幹羅思賽因不花蠻夷之長五十六人

金紋綾絹各七十九匹及弓矢鞍轡貴州通志元補

三十年夏四月甲寅幹羅思請以八番見戶合思播

之民兼管徙宣慰司治長沅靖州常賦外歲輸鈔三

千錠不允同

五月命思播黃平等處拘刷亡宋避役手號軍人以

增鎮守孫志

十二月乙未遣使督思播二州及鎮遠黃平發宋舊

軍八千人從征安南元史紀

按歐陽元許熙載神道碑云在衡安仁盜袁舜

一怨若播州餉負險挺亂既誅朝廷宥其餘黨

甚眾云云以本碑考之熙載年將授室欲就學

東南因爲當道知辟德慶路提控案牘由是以本職歷永衡兩路是熙載提控衡路必在三十三歲後熙載以中統二年生至至元末三十三四歲則苦餉當卽發宋舊軍征安南事也

成宗大德元年十二月壬寅朝洞蠻內附立長官司二命楊漢英領之

閏十二月乙卯平伐等蠻未附播州宣撫使楊漢英請以已力討之並元史紀

十二月播州宣撫司楊漢英請以已力討平伐等未附蠻仍命湖廣省答刺罕便宜收撫貴州通志師旅考

按孫志大德元年詔播州安撫楊漢英討黃平等蠻黃平當是平伐之誤非兩事也貴州通志土司門又書漢英請討平伐未附蠻在元貞二年十一月亦誤

五年右丞劉深征八百媳婦道出播孫志

是年宋隆濟及折節叛詔湖廣行省平章劉二拔都卽劉傑指揮使也先忽都會率兵偕賽因不花覲討之

六年九月師出播州境元史傳

五年五月雲南土官宋隆濟叛水西土官之妻蛇節以其眾應之十一月遣劉國傑及也先忽都會

將兵征隆濟六年十一月國傑裨將宋光大敗蛇節七年四月國傑師出播州境大破蛇節於墨特川庚辰蛇節降丁亥誅蛇節八年正月雲南順元同知宣撫事宋阿重生禽其叔隆濟來獻贛州志按元史楊寶因不花傳言六年九月師出播境通志云七年四月國傑師出播境通志蓋以成宗紀書蛇節降在七年四月傳合言之當以傳為得

七年十二月戊子以平宋隆濟功增諸將秩賜銀鈔等物有差其軍士各賜鈔十錠放歸存恤一年丁未

以轉輸軍餉勞免思播二州稅糧一年元史紀

武宗至大三年正月乖西帶蠻人寇調思播土兵討捕贛州志

三年春正月辛丑樞密院臣言湖廣省乖西帶蠻阿馬等連結萬人入寇已遣萬戶移刺四奴領兵千人及調思播土兵併力討捕臣等議事勢緩急地理要害四奴備知乞聽其便宜調遣本紀

四年十月辛丑立乖西府以土官阿馬知府事佩金符仁宗紀

仁宗皇慶二年二月丁亥以北西府隸播州宣撫司

元史紀

延祐四年黃平南蠻盧彝叛新部黎魯亦嘯劫聚亂詔楊漢英宣撫之二賊降置戍而還潘溪集

按史傳言盧崩蠻叛在至大四年續宏簡錄傳又云大德八年皆誤有考證語在土官門播州注中

五年冬十月己丑播州南寧長官洛麼作亂思州守臣換住哥招諭之洛麼遣人以方物來覲貴州通志七年十二月丁未播州蠻蠻的羊籠等來降

按蠻蠻降事孫志書在五年誤通志與史同

英宗至治元年秋七月黃平府蠻盧碎為寇削萬戶何之祺等官一級

按盧碎疑即潛溪集之彝史傳之崩字異音實同

三年二月癸酉罷播州黃平府長官所一徙其民隸黃平

泰定帝二年秋七月丙辰播州蠻黎平愛等集羣夷為寇湖廣行省請兵討之不許詔播州宣撫使楊也里不花即楊嘉真招諭之

冬十月癸巳播州凱黎苗率諸寨苗獠為寇並元史紀

按孫志泰定帝元年播黎平愛等同凱黎苗夷
為寇詔宣撫楊燕里不花招撫之即上二事而
年與史異也里燕里燕禮延禮延里皆一人

三年春正月丙午朔播州宣慰使楊燕里不花招諭

蠻酋黎平愛元作慶通志亦然等來降

六月癸未播州蠻黎平愛復叛合謝烏窮為寇宣撫
使楊燕禮不花招平愛出降烏窮不附命湖廣行省
討之

十一月辛酉播州蠻宋王保來降

四年秋七月甲辰播州蠻謝烏窮來獻方物

九月甲寅湖廣土官宋王保來獻方物

十一月辛卯以降蠻謝烏窮為蠻夷官並元史紀及通志

文宗天歷二年四川囊加台攻播州苗兒埡宣慰使
楊延里不花開關迎之因遣諸王月魯帖木兒等至

播招諭楊延里魯字阮作不花及其弟皆降孫志

二年春正月丁丑四川囊加台攻破播州苗兒埡
隘宣慰使楊延禮不花開關納之王午播州楊萬
戶引四川賊兵至烏江峰官軍敗之八番元帥脫
出亦破烏江北岍賊兵復奪關口諸王月魯帖木
兒統蒙古漢人答刺罕諸軍及民丁五萬五千俱

至烏江二月丙午囊加台分兵逼襄陽湖廣行省調兵鎮播州及歸州癸丑諸王月魯帖木兒等至播州招諭土官之從囊加台者楊延里不花及其弟等皆來降四月湖廣行省參知政事孛羅奉詔至四川赦囊加台等蜀地悉平諸省兵皆罷囊加台以指斥乘輿坐大不道

奔市本紀貴州通志

六月順元思播州諸驛因兵興馬多羸驛戶貧乏令有司市馬補之

按孫志三年秋命有司市馬補播諸驛年時與史異

至順元年三月甲寅乖西解蠻三千人入松梨山燒沿邊官軍營堡

五月甲戌八番乖西解苗阿馬察伯秩等萬人侵擾

邊境詔樞臣分兵討之並元史紀及通志

順帝至正十二年六月乙丑紹慶宣慰使楊延禮不花遙授湖廣左丞楊伯顏卜花為紹慶宣慰使換文資楊城為沿邊溪洞招討使兼征行萬戶回賜先所拘收牌面

二十三年偽夏明玉珍以善英為參政鎮播州改珍州思寧等處長官司珍為真孫志

按元史本紀二十二年五月明王珍據成都自稱蜀王二十三年春正月朔明王珍僭稱皇帝建國號曰大夏紀元曰天統楊璟諭明昇檄曰定下疆場南不過播州自是至明洪武四年播並屬明氏

明王珍於播州地增置餘慶州割南平綦江長官司為綦江縣

至元間改播州為播州沿邊安撫司黃平等十一長官司屬焉隸湖廣行省明王珍僭據增餘慶州割南平綦江長官司為綦江縣孫志

按元史地理志載播州軍民安撫司所屬府一
等處十九不稱等處者十二其分置年月自黃
平府外悉不可考孫志云十一長官意元中葉
即省併至明初歸附又止有二安撫六長官
則又省併矣今於元志播州屬府等處名略考
附土官卷末此則略焉

明

大祖洪武元年詔播州宣慰楊鑑按明史明史稿皆
明一統志率蕃兵二萬為征虜將軍傅友德先鋒

四年將軍傅友德破僞夏真州鄭瑄以軍從並孫志

按通鑑綱目三編通鑑輯覽書以傅友德為征虜將軍討明昇並在洪武四年正月不應元年即詔鑑率兵為先鋒孫志元字誤考明史亦載勅鑑率兵二萬從大軍南征為先鋒在十四年或即一事而史年為確

尋改播州沿邊宣撫司為宣慰司孫志

按明史及明史稿書仍置播州在五年正月二志書承四年因明統志考二史載平蜀遣使諭播州亦在四年

五年正月播州宣慰使楊鏗同知羅琛總管何嬰蠻

夷總管鄭瑚等相率來歸朝貢方物納元所授金牌銀印銅章詔勅賜鏗衣幣仍置播州宣慰使司鑑琛皆仍舊職改總管為長官司以嬰等為長官司長官

王鴻緒明史稿播州傳

五年播州宣慰使楊鏗來朝始置宣慰司今仍舊

職命鑑

六年升播州宣慰司為宣慰使司領草堂黃平安撫司二播州餘慶白泥容山真州重安長官司六孫陳志

按明史及史稿於鏗等歸附即書仍置宣慰使不言升者略之也當以二志為詳二志據明統

志及四川舊省志其言所領亦如二史總係於前非謂當時長官安撫已定置如此也

置播州諸驛

七年中書省奏播州上地既入版圖當收其貢賦自洪武四年始歲納糧二千五百石為軍儲帝以其率先來歸田賦隨所入不必額徵之

九月置播州黃平宣撫司

十二月播州安渡蠻黃安亂貴州衛指揮張岱討平之通志

八年五月徑遣其弟綺來朝賜衣幣自是每三歲入

貢不絕通志是年於黃平地置重安長官司明統

志

按明史稿永樂四年設重安長官司隸播州宣慰司以張佛保為長官以佛保曾招輯重安蠻民向化故也與明統志乖異當是洪武時已置司至永樂時特以佛保為長官史稿誤併為一時耳

九年改播州軍民都鎮撫司為播州長官司明統
十三年十一月遣景川侯曹震往四川永寧開通河道調撥大小官軍悉聽節制十四年二月震到成都分遣官屬各任其責貴播驛鋪橋道委播州宣慰司

楊鏗重慶千戶鎮洪

提調軍民開之自二月初七日興工五月十五日工歇至秋九月初一日興工次

年正月十五日工畢凡八閱月

曹震開承寧河記

十四年命使賫勅符諭鏗比聞爾聽浮言生疑貳今

大軍南征多用戰騎宜率兵二萬馬三千為先鋒庶

表爾誠

明史稿

十五年改播州宣慰司隸貴州改黃平衛為千戶所

明史

十七年改舊州草塘等處長官司為草塘安撫司改

真州思寧等處長官司為真州長官司復白泥州為

白泥長官司

明統志

鏗子震以疾卒於京命有司歸柩

明史稿

二十年十月徵鏗入朝貢馬十四帝諭以守土保身

之道賜鈔五百錠

二十一年播州宣慰使司並所屬宣撫司

三字當作安撫長

官各遣其子來朝請入太學帝為勅國子監官善訓

導之

並明史稿

置重慶府播州宣慰司茶倉

二十二年命諸將防西年夷以延安侯唐勝宗駐播

之黃平

並孫志

三十三年建播州長官司學明統志

成祖永樂四年免播州荒田租明史稿

升播州長官司學為宣慰使司學明統志

六年播州宣慰楊升升史貢馬賜資有差孫志

七年宣慰使楊升招諭草塘黃平及重安所轄當科

葛雍等二寨蠻人來歸明史稿

按貴州通志云是年楊升請勦尙科諸寨不許

九年楊升入朝賀萬壽貢馬

十年楊升遣兄亮貢馬俱賞資之並孫志

宣宗宣德三年升賀萬壽節後期行在禮部議予半

賞帝以道遠勿奪其賜三二

七年草塘所屬穀撒等四十一寨蠻長官常徒等作

亂聚眾二千餘人將攻牛場乾溪等堡事聞勅總兵

陳懷勦之未幾懷招之復業並明史稿

按蠻司合誌草塘穀撒等寨蠻長作亂攻牛場

乾谿等堡勅撫之不從遂勦平之與史稿小異

英宗正統四年革播州茶倉孫志

景帝景泰三年輝奏正統十四年宣慰使楊綱老疾以其子輝代湖貴所

轄臻剖五岔等苗賊糾合草塘江渡諸苗黃龍章保

等殺掠人民屢撫屢叛乞調勦以靖民患帝命總督

王來總兵梁瑤等會同四川巡撫勦之

七年調輝兵征銅鼓五開叛苗賜勅諭頒賞並明史稿

憲宗成化十年十一月以播州賊齋果累歲爲患命宣慰楊輝子愛襲父職

播州賊齋果等累歲爲患勅責川貴鎮巡官將人貢巡撫以播地連諸蠻輝專守土難離遠帝命詔輝十一月命輝子愛襲父職舊制土官襲職必三司先按實奏請而後許正統末苗蠻聚眾寇邊輝父綱不任職特命輝越制就襲至是土官同知羅宏奏輝有疾乞以愛代帝命愛襲職仍勅愛卽率

兵從總官勦賊先是輝奏所屬天壩干地五十三寨及重安所轄灣溪等寨屢被蠻苗占據乞令湖貴會兵征之命如輝言部議以愛年幼請仍起輝暫理軍事又以輝難獨任宜勅都御史張瓚親至播州督理厲輝等振揚威武以備征調其機宜悉聽瓚裁處明史稿

以宣慰楊輝奏天元作大壩苗叛勅都御史張瓚討之駐軍黃平

輝初欲奪嫡子愛爵與庶子友計無所出因思爲友樹功遂誣奏苗叛得旨征之復誣奏友功得授

安撫使因種播凱之隙

詳

按明史言友授宣撫而孫志言安撫與蠻司合誌之設安撫於安寧授友安撫使合引而合誌本條又注云安撫紀錄彙編作宣撫今兩存之

十二年冬十一月四川巡撫張瓚字宗器討灣溪蠻寨

名地在今平越府黃平州重安縣司境蠻破之通鑑輯覽

先是播州致仕宣慰楊輝言所屬天壩干蠻寨名地在今

遵義府播州廢司境地及重安長官司所轄灣溪等寨屢被

生苗竊據請王師進討詔瓚親至播州諭還侵地

不服即征之事在十年至是瓚督兵攻敗諸苗奏設安

寧宣撫司即以輝子友為之詔從其請通鑑輯覽

設安寧宣撫司懷遠宣化二長官司靖南龍場二堡

撥兵戍守

瓚督諸軍及輝攻灣溪天壩干諸苗凡破山寨十

六斬首四百餘級撫男女九千餘口事下兵部以

苗來撫者多宜量為處分瓚議設安寧宣撫司並

懷遠宣化二長官司建靖南龍場二堡命輝董其

役輝調軍民五千餘眾立治所委所屬黃平土司

等分甓城垣將竣輝以聞因謂各寨苗蠻自區畫

來頗知畏懼但工竣後大軍還難保無虞播州向設操守土兵共一千五百人今撥守懷遠靖南天漂龍場各二百人宣化百人安寧六百人其家屬宜徙之同居爲固守計其工之未畢者宜用臣子愛董之而聽臣致仕如故詔從之明史稿

十五年貴州巡撫陳儼奏苗賊齎果轉橫乞調川湖官軍聽節制不許

灣溪既立安寧宣撫爛土諸蠻惡其逼遂引齎果等攻陷天漂靖南城堡圍安寧愛新襲力弗能支求援於川貴二鎮於是兵部奏再起輝勦之又勅

川貴兵爲助至是貴州巡撫陳儼奏苗賊齎果轉橫乞調川湖等官軍五萬五千尅期會貴州聽巡撫節制兵部言賊作於四川而貴州守臣自欲節制諸軍恐有邀功之人主之且興師五萬以半年計須軍儲十三萬五千石山路險峻輸運之夫須二十七萬眾况天將暑瘴癘可虞帝然其奏明史稿

二十二年秋九月遣刑部侍郎何喬新聽訟播州播州宣慰使楊輝欲立庶子友爲嗣長官張淵阿順之安撫宋韜等諫乃止輝致仕嫡子愛嗣輝與淵謀割地授友巡撫張瓚受輝賂爲奏設安寧宣

撫司以友爲之至是輝死友誣愛謀逆聞於朝遣
喬新往勘將行請曰楊氏主播州五百餘年蠻夷
服從久矣歷代寬以文法蓋治之以不治也今但
宜二人面質真僞無令驚疑喬新至盡得其始末
白愛誣奪友官安置他府斬張淵播州遂安

通鑑綱目

三編通鑑輯覽同

二十二年詔刑部侍郎何喬新錦衣指揮劉綱會
西川撫按勘播凱訐奏事時楊友誣愛妖言不法
等事新等勘得友初欲奪愛官因而誣罔具以聞
慮其仇殺遷友他郡二十三年元作二年秋巡撫劉

璋奉旨革罷楊友官撫移之保寧初璋計以安寧
道路險遠城堡堅固友之親黨么仲等家俱驍勇
乃閱詔不發先使友所親信詣安寧撫慰友家黨
與因遣能幹士官領兵防其出入又榜示以散其
黨與購其主謀部分既定並收其家屬發遣之孫志
二十二年刑部侍郎何喬新以愛爲其兄宣撫楊
友所訐奉命往勘因奏楊氏據播已五百餘年蠻
民服從久矣奢僭淫暴之罪無代無之歷朝皆寬
以文法治以不治今友愛兄弟相訐命臣等勘問
果係情重當於本州監候則獄卒皆其部下難於

防守使移於重慶則道路遼遠蠻眾驚疑恐生他變宜撫提二人面對虛實聽候上裁免其監禁爲便從之二十三年喬新奏輝在日溺其庶子友欲令承襲長官張淵阿順之安撫宋韜謂楊氏家法立嗣以嫡愛宜立輝不得已以職授愛又欲割地以授友謀於淵因以天壩干乃本州懷遠故地爲生苗所據請兵取之容山長官韓瑄以土民安輯日久不宜征淵與輝計執瑄杖殺之前巡撫張瓚受輝賂以其地設安寧宣撫司以友任宣撫輝立券以所有金玉服用莊田召諸子均分之輝沒淵

乃與友潛謀刺愛淵弟深亦與謀不果友遂奏愛居處器用僭擬朝廷又通唐府密書往來私習兵法天文謀不軌事皆誣帝命斬淵深以愛信讒薄兄友因公擅殺且謀嫡盜官錢皆有罪愛贖復任友遷保寧羈管保寧仍勅喬新從宜處治明史稿二十三年喬新奏云云語同輝沒淵與友同謀刺愛不果友遂奏愛言愛結苗夷反叛造火器旗纛金瓜鉞斧調總旗等號親軍閹割土民立金龍門於宅前而開尚甕等鐵冶令僞閹官煉熟鐵爲軍刀置織造院收民人趙其一百餘戶充織匠造龍

鳳麟袍立商稅局於白田壩起調軍兵三千餘眾
假水西送喪演習武藝設教坊司以偽闍官掌其
事虜良家龐兆期女勝真福真等一百餘名充女
樂教習雜劇每遇節旦愛衣龍衣自稱國王天主
而稱其妻地主且置後宮奪趙高僧幼女玉真爲
宮妃用師巫魘魅庶母貫氏禁父妾馬真蔣真等
宮中姦使有身嘗強淫宮婢宋真不從凌辱狼籍
而後殺之科派各里人民分上中下三戶得金銀
若干萬兩養老莊田子粒若干萬石珊瑚樹若干
株珍珠簾若干絳玉圭若干笏馬若干匹牛若干

頭嘗夢騎龍登天門上帝謂之曰此南方帝子也
又通唐府密書往來私習兵法天文謀不軌事皆

誣云云

明史紀事本末

按今遵義縣東鄉新舟場側之官城楊友所築
城之址相傳友與愛爭地於此交戰死者萬餘
人今耕者往往於沙中得箭鏃又綏陽縣朗山
關大營堡傳亦楊愛弟兄爭地駐營所探冊

孝宗宏治元年增設重安守禦千戶所命播州歲調
土兵一千助戍守

七年以平苗功愛與有勞難加秩賜勅勞之

十四年調播州兵五千征貴州賊婦米魯等

武宗正德二年升播州宣慰使楊斌爲四川按察使仍理宣慰事明年裁之仍原職尋勅令每年巡視邊境進致仕宣慰愛階及服色

舊制土官有功賜衣帶或旌賞部眾無列銜方面者斌狡橫不受兩司節制諷安撫羅忠等上其平普安戰功重賂劉瑾得之踰年巡按俞緇奏斌不宜授詔裁之仍原職初友旣編置保寧愛益恣厚斂以賄中貴征取友向所居凱離作地者獨苛同知楊才居安寧乘之朘剝尤甚諸苗憤怒凱離

民爲友奏復官弗得乃潛入保寧以友還糾眾作亂攻播州焚愛居第及公私廨宇略盡遂殺才多所殘戮愛屢奏於朝帝乃命鎮巡官調兵征之會友死而川兵方調征他盜遂緩師至是鎮巡官言友構亂罪大然其身已死其子宏尙幼今宏稍長能悔過自新且善撫馭蠻眾願聽其約束其前爲友所焚殺者俱已隨土俗折償且還所侵奪於官乞授宏冠帶名爲官帶土舍協同播州經歷司撫輯諸蠻其家置保寧者仍歸之隸播州管轄並諭斌與宏協和不得再造豐端報可未幾播州安撫

宋淮奏貴州凱日爛土苗婚於凱離草塘諸寨陰
 相構結誘山苗為亂乞賜斌勅令每年巡視邊境
 會湖廣鎮巡官撫處部議土官向無領勅出巡者
 諭斌宜撫綏士眾輯睦親族以副朝廷優待之意
 因加授愛昭毅將軍給誥命賜麒麟衣一襲時斌
 又為其父請進階及服色禮科駁之以服色等威
 所繫不可假兵部以愛舊有勦賊功皆許之既而
 斌復為其子相請入學並得賜冠帶並明史稿
 五年詔復革爵土官楊友安撫使巡撫林俊疏止不
 報

友既革職羈管至是重賄劉瑾求復原職詔許之
 俊疏言亂階不可啟大忤瑾意孫志
 按孫志與當時相去未遠此條所據必確足以
 補諸史之闕史稿謂至是鎮巡官言友身已死
 子尚幼今宏稍長云云承二年之踰年則是正
 德三年友死已久時事與志皆不契而史稿又
 云初愛厚斂餽中貴當即指二年賂得按察事
 又書凱里民為友奏復官弗得乃潛入保寧以
 友還又糾眾作亂愛又屢奏帝乃得命征之而
 值友死此必非一二年事疑史稿於初友既編

置保寧之上尚有脫文志之詔復安撫當即在
凱里民為奏復官時史之勅斌巡邊境進愛階
服賜相冠帶又在後數年矣

重慶人曹弼糾播州眾寇川南

吳景正德中官四川僉事守江津重慶人曹弼亡
命播州糾眾寇南川謀與大盜藍廷瑞合六年正
月逼江津御史俞緇遁去屬景及都指揮龐鳳禦
之鳳邀景俱走不可率典史張俊迎擊城陷不屈
並被殺明史忠義傳

十二年宣慰楊斌父喪援例守制

播州安撫羅忠宋准奏宣慰楊斌有父喪欲援文
臣例守制但邊防為重乞仍令掌印理事明史稿

按自是斌尋致仕子相襲

貴州巡撫鄒文盛遣參議蔡潮入播州撫苗蠻

初凱里此不作離與明史合土舍楊宏與重安土舍馮綸等

有怨宏卒綸等誘苗蠻攻之更相仇殺侵軼貴州
境巡撫鄒文盛言狀且請移文四川會官撫處踰
歲不報乃遣參議蔡潮入播州督致仕楊斌撫平
之因言宜復安寧宣撫俾宏子弟襲之斌未衰宜
仍起任事以制諸蠻潮有撫蠻勞宜量擢兵部議

安寧已革不可復斌子既代亦不可起土官應襲與否屬四川非黔所得專盛所請難行而功不可

証明史稿兼詳宣績傳

按此條上史稿有脫文

十六年賜斌蟒衣玉帶

世宗嘉靖元年賜播州宣慰司四書集註一部

從宣慰楊相奏也

復安寧宣撫司改爲凱里宣撫司隸貴州以楊張襲宣撫使

宏既死其弟張求襲父職不得時盜邊劫白泥司

印信復與相構兵守臣乞改凱里屬貴州以張爲土知州解釋之兵部謂張習父兄之惡幸免於辜而敢肆然執印信以要挾當命川貴守臣按其前後爭產殺人諸罪實於理若張悔過輸情還所獲印尚可量授一官聽調殺賊以自効倘或怙終必誅以爲玩法戒既遂許張襲宣撫而改安寧爲凱里隸貴州

二十三年宣慰楊烈與水西構難殺其長官王黻先是楊斌子相襲播宣慰職以祖父嫡庶讎殺沿禍數世至今不已相不之鑒仍寵庶子煦欲奪嫡

烈而其妻張氏甚悍與子烈盜兵逐相相走水西
死烈乃乞水西還父屍播故有水烟天旺地與水
西近水西宣慰安萬銓屢挾奏不得至是要之必
歸地而後予屍烈陽許之及得屍悔約讐殺相攻
剽垂十年

續詞

三十三年總督馮岳調總兵石邦憲討平王黻黨李
保遂擒真州亂苗盧阿項

烈殺長官王黻時嘉靖之二十三年也烈既代襲
遂與黻黨李保治兵相攻垂十年總督馮岳調總
兵石邦憲討平之真州苗盧阿項者亦人稱亂邦

憲以兵七千擊敗之有言賊求援於播者邦憲曰
吾方調水西兵聲揚烈助逆罪烈暇救人乎已擒

阿項父子斬獲四百餘人

明史稿

總督侍郎馮岳討平之岳乃奏三省接壤民苗之
衝若四川餘慶之走馬坪播州之三度關貴州石
阡之龍泉司各立哨堡於重慶偏橋等衛委指揮
三人督兵防守仍移銅仁參將於石阡移思石守
備於龍泉控扼播州令犬牙相制而後設重慶府
通判一人使之駐龍泉以收糧稅則控馭較便也
上然其言

續詞

復以播州隸四川仍制於貴州思石兵備道

初嘉靖初議分凱里屬貴州既又以播地多在貴州境并改屬思石兵備及真州盜平地方安靖播人以爲非便川貴守臣異議不決命總督會勘總督奏仍以播歸隸四川而貴州思石兵備仍舊兼制播西平邑諸土司事報可

穆宗隆慶五年烈死子應龍請襲命姑予職

神宗萬曆元年給播州新襲宣慰使楊應龍勅書

八年賜故宣慰楊烈祭葬從應龍請也

十四年應龍獻木賜飛魚服授都指揮使銜

應龍獻大木七十材美賜飛魚服又復引其祖斌

賜蟒例部議以斌有軍功且出特恩未可爲比帝

命以都指揮使銜授應龍

並明史稿

按孫志載應龍獻大木賜大紅飛魚服系十三年

調播州兵征松番

是年正月松番諸番作亂四川巡撫徐元泰決計大征命游擊周于德將播州兵爲前鋒六月班師十五年七月李應祥平越雋諸衛師旋徐元泰益徵播州西陽諸土兵合五萬人令應祥督邊之垣

朱文達及周于德三道入討邛部屬夷以其地置

屏山縣

明史李應祥傳

按郭子章西南三征記云乙酉夏楊柳番嘯聚諸番聞於朝則以兵屬今都督李將軍應祥十月徐公至蜀十一月擁眾突犯公上疏得請益徵播州西陽平茶諸土兵丙戌正月諸路兵繹至乃檄遊擊周于德將播州七千人營羅鍋嶺參將朱文達將平茶兵四千五百有奇營茨溝而一統於李將軍云云五月克牛尾牛尾樹柵自雄將軍分兵三路宣慰楊應龍以所部精兵

從中擊之云云乃疏功於朝又疏建越倒懸急矣請拯之制可徵諸路兵益之丁亥四月方欲下令解甲復手疏請討邛部夷仍徵土漢兵四萬有奇以冬十月出師十二月癸酉克白窰天星固賊萬餘團四山分支接戰我兵冒險攻之播州兵先登各路兵齊擊賊大敗遁明年正月巳丑賊糾眾由大南門大木瓜兩路突襲馬營播州帥楊應龍率眾大呼衝之賊退云云五月班師考乙酉萬曆十三年史係十四年者以兵至日爲言也

十八年貴州巡撫葉夢龍疏論應龍兇惡諸事巡按陳效歷數應龍二十四大罪

時方防禦松潘調宣慰土官兵協守四川巡按李

化龍疏請暫免勘問俾應龍戴罪圖功按孫志云十八年楊

應龍毀半鎮官旗令復由是川貴撫按疏辨在蜀

者謂應龍無可勘之罪在黔者謂蜀有私暱應龍

之心於是給事中張希皋等以事屬重大兩省利

害豈漫不相關者乞從公會勘無執成心十九年

貴州夢熊主議播州所轄五司改土為流悉屬重

慶與化龍意復相左化龍遂引嫌求斥蓋應龍本

雄猜阻兵嗜殺所轄五司七姓悉叛離嬖妾田屠

妻張氏并及其母於是妻叔張時照與所部何恩

宋世臣等上變告應龍反夢熊請發兵勦之而蜀

中士大夫率謂蜀三面隣播屬裔以什百數皆其

彈壓且兵驍勇數征調有功剪除未為長策以故

蜀撫按竝主撫朝議命勘應龍願赴蜀不赴黔並

史稿

二十年檄楊應龍至重慶府聽勘拘留之俄而兵部

復趣應龍選兵征倭孫志

應龍詣重慶對簿繫論法當斬請以二萬金贖御

史張鶴鳴方駁問會倭大入朝鮮徵天下兵應龍因奏辨且願將五千兵征倭自贖詔釋之兵已啓行尋報罷巡撫王繼光至嚴提勘結應龍逐抗不出張時照等復詣奏闕下繼光用兵之議遂決明史稿

二十二年巡撫王繼光遣總兵此下當脫劉承嗣參將五字郭成征楊應龍於白石口不利孫志

二十一年繼光至重慶與總兵劉承嗣分兵三道進婁山關屯白石口應龍佯約降而統苗兵據關衝擊承嗣兵敗殺傷大半會繼光論罷卽撤兵委

棄輜重略盡黔師協勦亦無功時四川新撫譚希思與貴州鎮撫再議勦御史薛繼茂主撫應龍上書自白遣其黨攜金入京執原奏何恩詣綦江縣

明史稿

二十二年春四川參將郭成總兵劉承嗣統兵征楊應龍敗績於白石口全軍俱覆成僅以身免江志

按繼光征應龍事史稿云二十一年孫志與綦志並云二十二年兩存以俟考又綦志書參將郭成總兵劉承嗣敗白石口兵防祥異皆然而

其宦績乃單云總兵郭成亦如孫志當亦有脫
文也

二十三年勅總督侍郎邢玠勘播事

孫志

二十二年以兵部侍郎邢玠總督貴州二十三年
玠至蜀察永寧西陽皆應龍姻媾而黃平白泥久
爲仇讐宜剪其枝黨乃檄應龍謂當待以不死會
水西宣慰安疆臣請父國亨卹典兵部尚書石星
手札示疆臣趣應龍就吏得黃疆臣亦奉札至播
招應龍當是時七姓惟恐龍出得除罪而四方亡
命竄匿其間又幸龍反因以爲利驛傳文移輒從

中阻四月玠檄重慶知府王士琦詣綦江趣應龍
就安穩聽勘應龍使弟兆龍至安穩治郵舍儲糧
叩頭郊迎致餼牽如禮言應龍縛渠魁待罪松坎
所不敢至安穩者恐墮安穩仇民不測之禍也幸
請至松坎受事士琦曰松坎亦曩奏勘地也卽單
騎往應龍果面縛道旁泣請死罪請治公館執罪
人及罰金獻廷中得自比安國亨國亨者曩亦被
訐懼罪不出界故應龍引之士琦爲請於玠許之
應龍乃縛獻黃元阿羔阿苗等案驗抵應龍斬以
其族得論贖輸四萬金助採木仍革職以子朝棟

代受職次子可棟羈府追贖黃元等斬重慶市總
督以聞時倭氛未靖本兵二字當依史作兵部欲緩應龍事
東方朝廷亦以應龍向有積勞可其奏於松坎設
同知治焉而以士琦為川東兵備副使彈治之應
龍獲寬益怙終不悛尋可棟死於重慶益痛恨促
喪歸不得復檄完贖大言曰吾子活銀卽至矣擁
兵驅千餘僧招魂去分遣土目置關據險厚撫諸
苗名其健者為硬手州人稍殷厚者沒入其貲以
養苗苗人遂願為死力明史稿

設安邊同知於松坎尋序詳宦績傳

甲午春參將郭成總兵劉承嗣白石口敗績殞於
兵刃者數千成僅以身免事聞上命制府勦撫屢
遣官諭以禍福酋負固不出制府再命綦江知縣
蒲林往龍素警服見林單騎至倒戈以迎隨面宣
德意約其降待以不死賊俛首聽命制府尋委監
司同林往松坎就勘皆款服竟從寬典議於安穩
按安穩當作松坎綦志又於詳異中書此事亦立
作安穩皆與史乖刺唯其宦績中作松坎是

安邊同知卽以林陞任請旨班師犬羊性不常旋
又擾扶歡壩羅王村等處報日急林奮身往追賊
卽捲甲引去又明年秦民袁子昇為賊大讐適繫

合江縣獄賊發兵圍之指索子昇當事著林往林說合江縣出子昇棄一秦囚保全眾億讒忌者即騰謗詔下本省逮勘卒以此去任林去而賊益無忌矣禁江舊志

按孫志云二十四年議增安邊坐鎮同知不果今以林事考之所謂不果者謂旋廢非謂其未設也云二十四年者林升同知明年去而此職遂廢在其年也

二十四年應龍殘餘慶掠大阡都壩焚劫草塘餘慶二司徧及興隆都勻各衛又遣兆龍圍黃平戮重安

長官家勢復大熾

二十五年應龍流劫江津及南川臨合江索其仇袁子昇縋城下磔之

時兵備王士琦調征倭應龍益統苗兵大掠貴州洪頭高坪新村諸屯已又侵湖廣四十八屯阻塞驛站訶原奏仇民宋世臣羅承恩等挈家匿偏橋衛襲破之大索城中戮其父母淫其子女備極慘

酷並明
酉史稿

秋七月播州宣慰使楊應龍叛

通鑑
輯覽

二十七年春三月以李化龍總督川湖貴州軍務討

楊應龍

先是貴州巡撫江東之令都司楊國柱指揮李廷棟率部兵三千勦應龍應龍遣子朝棟弟兆龍志於此下多書等迎敵于飛練堡賊佯走天邦國誘官軍盡殲之國柱等皆死東之罷以郭子章代而命化龍節制川湖貴三省軍事調東征諸將劉綎麻貴陳璘董一元南征六月應龍乘大兵未集遂勒兵犯綦江城中新募兵不滿三千賊兵八萬奄至圍綦江城參將房嘉寵游擊張良賢率師巷戰俱死之應龍因劫縣令焚掠出綦江庫犒

師盡殺城中人投屍蔽江水為赤尋退屯三溪益

結九股生苗及黑腳苗為助原注應龍以綦江之東

鄉垣立石為播界號宣慰官莊聲言江津合江皆播故土時郭子章日夜徵調各漢土兵分守南川

合江等處軍聲漸振應龍僞軍師孫時泰請應龍直取重慶搗成都切蜀土為質而應龍遷延不進

止言爭界給葬以冀曲赦化龍至成帝聞綦江破

賜化龍劍假便宜討賊十月化龍移駐重慶已而

應龍屯官壩聲言窺蜀又焚東坡爛橋楚黔路梗

黃平龍泉所在告急賊復據偏橋出掠興隆鎮遠

化龍議置勁兵萬餘據守要害通黔楚道益調諸

路兵以俟大舉通鑑輯覽

以征播故暫設巡撫偏沅地方贊理軍務一員尋

罷明史職官志

初賊本無意竟反徒以安忍猖狂既覆我師飛練則騎虎勢不得下於是益結九股生苗及黑腳苗等為助十一月應龍屯兵官壩聲言窺蜀已而焚

東坡爛橋楚黔路梗貴州通志

冬十月加四川湖廣田賦以播州用兵故通鑑輯覽

二十八年正月應龍五道並出破龍泉司明史稿

應龍破龍泉司守備楊惟忠擁兵二千以勢不敵避去土官安民志率步卒五百拒守死之貴州通志

夏六月李化龍帥師平播州

楊應龍勒兵數萬五道並出攻破龍泉司時化龍徵兵大集大會文武於重慶登壇誓師分八路進兵川師四路總兵官劉綎由綦江入總兵官馬孔英由南川入總兵官吳廣由合江入副將曹希彬受廣節制由永寧入黔師三路總兵官童元鎮由烏江入參將朱鶴齡受元鎮節制統宣慰使安疆臣由沙溪入總兵官李應祥由興隆入楚師一路分兩翼總兵官陳璘由偏橋入總兵官陳良珙受璘節制由龍泉入每路兵三萬官兵三之士司七

之巡撫郭子章駐貴陽湖廣巡撫支可大移沅州
化龍白將中軍策應部署既定劉綎遂從綦江進
兵破其前鋒楊朝棟僅以身免賊皆膽落連克桑
木烏江河渡三關奪天邦諸囤乘勝入婁山關屯
白石應龍率諸苗決死戰綎親勒騎衝中堅分兩
翼夾擊敗之追奔至海龍囤時陳璘已破青蛇囤
安疆臣亦奪落蒙關吳廣從崖門關入營水牛塘
與賊力戰三日卻之遂攻燒二關奪賊樵汲路賊
見勢急父子相抱哭上囤死守遣使詐降化龍檄
諸將斬使焚書已而八路兵大集海龍囤下遂築

長圍更番迭攻賊大困會化龍聞父喪詔以墨纒
視師化龍念賊囤前險不能越令馬孔英勒兵攻
其後天久雨將士馳泥淖中苦戰綎先士卒克土
城應龍益迫散金募死士拒戰諸苗皆駭散無應
者起提刀巡壘見四面火光燭天大兵已登囤大
應龍倉皇同愛妾二闔室自縊生擒朝棟兆龍等
百餘人計出師至滅賊百十有四日化龍露布以
聞詔磔應龍屍戮朝棟兆龍等於市以其地置遵
義平越二府分屬川貴

通鑑輯覽

二月癸未播賊襲執宣慰宋承恩去承恩應龍婿

也時總督李化龍已移駐重慶征兵大集遂以十
二月丙戌誓師分八路路約三萬人官兵三之士
司七之川師四路總兵劉綎從綦江人以參將麻
鎮等隸參政張文耀監之總兵馬孔英從南川人
以參將周國柱宣撫冉馭龍等隸僉事徐仲佳監
之總兵吳廣從合江人以參將徐世威等隸參議
劉一相監之副將曹希彬受廣節制從永寧人以
參將吳文傑永寧女土官奢世續等隸參議史旌
賢監之黔師分三路總兵童元鎮統鎮雄土知府
隴澄泗城土知府岑紹勳等由烏江參將朱鶴齡

受元鎮節制統宣慰安疆臣等由沙溪總兵李應
祥統宣慰彭元璠等由興隆參議張存意按察司
楊寅秋監之湖廣一路由偏橋分兩翼總兵陳璘
統宣慰彭養正等由白泥副總兵陳良珙受璘節
制統宣撫覃宜等由龍泉副使胡桂芳參議魏養
蒙監之巡撫郭子章駐貴陽湖廣巡撫支可大移
沅州總督李化龍自將中軍策應諭諸將以抵婁
山等關爲期且曰關外且戰且招降多不可勝誅
也關內疾戰勿受降師不可久老賊詐不可信也
綦江道最要綎當之應龍熟綎才頗懼益兵守要

害十五日諸將克丁山銅鼓崖村遂直搗楠木山
羊簡臺三峒峒絕險賊將穆照等眾數萬連營諸
將憚之縱分兵攻其三面大戰於李漢壩生擒其
魁餘賊奔大峒乘勢直搗峒前焚之賊多死盡克
三峒擒穆照及賊魁吳尚華是日縱督戰左持金
右挺劍大呼曰用命者賞不用命者齒劍鬪死者
四十人遂大捷三月應龍乃遣子朝棟惟棟及其
黨楊珠統銳卒數萬由松坎漁渡羅古池三道並
進縱伏萬人羅古待松坎賊以萬人伏營外待漁
渡賊而別以一軍策應賊果至伏盡起縱率部下

轉戰斬首數百追奔五十里朝棟潰圍走幾爲我
師獲應龍憚縱威名意首挫其鋒屬朝棟悉勁兵
間道相角曰爾破綦江馳南川盡焚積聚餘無能
爲也及朝棟敗益膽落聚守石虎關縱亦掘塹守
初縱聞征播命逗遛多設難要朝廷言官交劾縱
議調南京右府僉書縱至是聞之卽辭任李化龍
以平播非縱不可固畱之力薦於朝縱乃復受事
遂進克石虎關拔賊滴淚三坡瓦窑坪諸隘直抵
婁山關婁山萬峰插天叢箐中一徑纔數尺賊設
木關十三座排柵置深坑百險俱備縱分奇兵爲

左右路間道趨關後而自督大軍仰攻奪其關追至永安莊兩路軍亦會時三月二十九日也縱老將持重慮賊衝突聯諸營一據婁山關爲老營一據白石口爲腰營一據永安莊爲前營都指揮王芬者勇而寡謀每戰輒請爲前鋒連勝有輕敵心獨營松門堽之衝距大營數里賊方有烏江之勝謀再奪婁山適穆照遣人洩芬孤軍狀四月朔賊乃襲殺芬守備陳大綱天全招討楊愈亦死失亡士卒二千人縱聞急往救部將周以德周敦吉夾攻賊始大奔追至養馬城而還是日應龍幾被獲

乃不敢窺婁山縱懲前失割近關堅壁且請濟師踰十餘日克後水囤營於冠子山尋會馬孔英壁海龍囤下孔英道南川獨險遠去應龍海龍囤六七百里未至重慶時推官高折枝監紀軍事請獨當一面乃與參將周國柱先以石柱宣撫馬千乘兵破賊金筑復督西陽宣撫冉馭龍敗賊於官壩時賊旣破龍泉方移師攻婺川聞敗乃遁及孔英至軍平茶邑梅兵亦集軍容甚壯先師期一日入真州用土官鄭葵駱麟爲鄉導別遣邊兵千扼明月關諸軍鼓行前進破四寨攻赤崖抵清水坪封

寧關悉破賊營十數逼桑木關關內民降者日千計折枝結三大寨處之禁殺掠降者日眾賊益孤關爲賊要害山險箐深賊憑高據守三月初八日乃令千乘馭龍出關左右國柱搗其中賊用標槍藥矢銳甚官軍殊死戰奪其關逐北至風坎關賊復大敗連破九柞黑水諸關苦竹羊崖銅鼓諸寨國柱攻金子壩無一人疑有伏焚空寨十九嚴兵以待賊果突出擊敗之孔英乃畱王之翰兵守白玉臺衛餉道平茶邑梅兵守桑木關而親提大軍進營金子壩應龍聞桑木關破大懼遣弟世龍及

楊珠以銳卒劫之翰營之翰走殺餉兵無筭平茶兵來援賊始退孔英還擊世龍復不勝步卒發火箭裨將劉勝復奮擊賊乃奔官軍進朗山口由朗山進發蒙子橋深箐荔翳賊處處設伏悉勦平之應龍遣其黨詐降謀爲內應折枝盡斬之伏以待賊果夜劫營伏發賊驚潰追奔至高坪已奪賊養馬城直抵海龍第二關下賊守兵益多孔英軍已深入而諸道未有至者酉陽延綏兵皆退賊躡殺官兵六十八人居數日劉綏兵至乃合兵連克龍爪海雲諸囤壓海龍囤而壘初總督李化龍刻師期

諸將莫利先人孔英所將邊卒及諸土兵皆獷悍
監紀折枝勇而有謀故師獨先八道至圍前吳廣
出合江屯二郎壩大行招徠賊驍將郭通緒者迎
戰將士襲走之陶洪安村羅村三寨土官各出降
他部來歸者數萬廣擇其壯者從軍通緒扼穿崖
圍廣督土漢軍擊破之劉縱馬孔英已入播廣猶
頓二郎總督李化龍趣之乃議分四哨進攻崖門
別遣奢世續等督夷兵二千扼桑木壩諸要害以
防饜道諸將連破數圍進營母豬塘應龍令通緒
盡發關外兵拒敵廣伏砲手五百於磨槍壩外南

岡下而遣裨將趙應科挑戰壩兩山相夾中甚隘
通緒橫槊衝應科科佯北通緒追出壩遇伏急旋
馬中砲墮方躍上他馬伏兵攢刺之殪餘賊大奔
官軍逐北賊盡降遂薄崖門徑小止容一騎賊眾
萬餘出關拒戰曹希彬懸賞千金士攀崖競進追
至第四關關上男女盡哭於是賊黨自殺其魁羅
進恩率萬餘人出降其第一關猶拒不下廣乘夜
疾進奪其關關內民爭獻牛酒時李應祥陳璘猶
在關外廣合希彬軍連戰一碗水土崖分水關皆
捷遂進營水牛塘應龍知廣軍孤深入謀欲襲之

乃遣人詐降廣測其詐堅壁以待應龍擁眾三萬直衝大營諸將殊死戰會他將來援師乃退廣遂進壁海龍困童元鎮督永順泗城鎮雄諸土軍由烏江初元鎮先駐銅仁憚應龍久不進屢趣乃行時劉綬吳廣諸軍已進羣賊議分兵守其參謀孫時泰曰分兵則力薄乘官軍未集先破其弱者餘自退矣應龍善之聞元鎮將抵烏江應龍曰此易與耳縱之渡江密以計取監軍楊寅秋言烏江去播不遠宜俟諸道深入協力齊驅元鎮不從於是永順兵先奪烏江賊遣千餘人沿江叫罵以誘之

諸軍既濟復奪老軍關前哨參將謝崇爵乘勢督泗城及水西兵再拔河渡關三月望賊以步騎數千先衝水西軍軍中驅象出戰賊多傷俄駕象者斃象反走擲火器者又誤擊已營陣亂泗城兵先走崇爵亦走爭浮橋橋斷殺溺死者數千人河渡既敗烏江軍相去六十里猶未知明日參將楊顯發永順兵三百出哨道遇賊數萬咸爲水西裝永順兵不疑與盟誓賊掩殺三百人亦襲其裝直趨烏江烏江軍信爲水西永順兵不設備遂爲賊所破爭先渡江賊先斷浮橋數千人皆溺死顯及二

子與焉元鎮所部三萬人存什一將校止崇爵
等三人江水爲不流貴陽聞警居民盡避大城遠
近震動化龍川上方劍斬崇爵益徵兵檄鎮雄土
官隴澄邀賊歸路隴澄者卽安堯臣水西安疆臣
弟也軍不與元鎮合獨全當事頗疑其通賊寅秋
以鎮雄去播止二日令搗巢立効澄許之河渡未
敗時澄已遣步將劉岳王嘉猷攻拔苦竹關及半
壩嶺既敗二將移新站賊伏兵大水田別以五千
人來襲敗還嘉猷乃揚聲搗大水田而潛以一軍
拔大夫關直抵馬坎斷賊歸路與疆臣合賊遂遁

會都指揮徐成將兵至合岑紹勳兵再克河渡關
賊將張守欽袁五受據長箐萬丈林永順兵擊破
之生擒守欽攻清潭洞復擒五受會朝議責元鎮
敗狀逮下獄令李應祥并將其軍應祥由興隆入
受事於二月下旬副將陳寅等已連克數囤拒賊
四牌高囤下別遣兵從間道直搗龍水囤他將蔡
兆吉又自乾坪抵箐岡過四牌賊首謝朝俸營其
地四面峭壁深箐賊從高鼓譟官軍殊死戰俘朝
俸妻子乘勢抵河畔會烏江敗書聞斂兵不進者
旬日應祥已受任趣諸將急渡寅等乃取他道渡

河而潛爲浮橋以濟師諸軍旣渡賊失險乞降者
相繼應祥悉受之賊所恃黃灘一關壁立眾死守
命賊徒石勝俸等率萬餘人降告曰去黃灘三十
里有三關大播門戶也先襲破之則黃灘孤難守
應祥然其計令偕陳寅率精卒四千夜抵關下勝
俸以數十騎誘開前門盡殲其戍卒黃灘賊懼益
增兵固守寅督諸將渡河攻關前勝俸由墳林暗
渡襲關後賊乃大敗應祥遂直抵海龍圍陳璘由
偏橋進軍次白泥應龍子朝棟率賊二萬渡烏江
迎戰璘前禦之而分兩翼躡其後賊少挫追奔至

龍溪山賊合四牌賊共拒璘四牌在江外與江內
七牌皆五司遺種九股惡苗素助賊璘廣招撫乃
進軍龍溪諜報有伏令游擊陳策以火器擊之賊
據險矢石雨下璘先登斬小校退者以狗把總吳
應龍等陷陣賊大潰退拒四牌保兒圍璘遣二裨
將逼之中伏璘募死士從應龍等奮擊賊復潰奔
據岡巔夜由後遁黎明追及於袁家渡賊復敗悉
渡江遁四牌之賊遂盡三月望諸軍爲浮橋渡江
知賊將張佑謝朝俸等營七牌野豬山璘卽夜發
抵苦練坪前鋒與戰後軍至夾擊之賊敗逃深箐

官軍遂入苕菜關會童元鎮烏江師敗璘大懼請
退師李化龍不可璘乃進營楠木橋次涓潭賊悉
聚青蛇長坎瑪璘保子四圍地皆險絕而青蛇尤
甚璘議同日攻則兵力弱止攻一圍則三圍相助
乃先攻三圍次及青蛇良璘師亦來會令伏圍後
別以一軍守板角關防賊逸璘督諸將力攻三日
賊死傷無算三圍遂下青蛇四面陡絕璘圍其三
面購死士從瑪璘附葛至山背舉砲賊惶駭諸軍
進攻焚其茅屋賊退入圍內木石交下將士冒死
上燬大柵二重前後擊之賊大敗七牌之賊亦盡

時四月十三日也乃分兵六道攻克大小三渡關
乘勝抵海龍圍海龍圍者賊所倚天險飛鳥騰猿
不能踰者及諸路兵俱集圍下賊見勢急父子相
抱哭上圍死守每路投降文緩我師化龍檄賊詭
降卽斬使焚書無爲所給虞縋與應龍舊檄無通
賊縋械其人自明賊詭令婦人於圍上拜表痛哭
云田氏且降詐爲應龍仰藥死報吳廣廣輕信按
兵不動已覘知田氏詐降緩攻而所云應龍死乃
川兵攻圍以火砲擊死所謂楊珠也珠驍勇善戰
旣死賊痛如失左右手廣覺詐益列兵協攻燒二

關奪三山絕賊樵汲五月十八日始築長圍化龍令諸將分日迭攻安疆臣攻圍後受賊重賄多與通且潛以火藥貽賊故賊不備其後陳璘知之與監軍者謀令疆臣退一舍璘移其處置鐵牌百餘距圍丈許賊強弩無所施又爲籓板於柵前賊每夜出劫爲釘傷不敢復出會化龍聞父喪詔以墨綬視事化龍跣而草檄益治軍時天苦雨將士馳淖中苦戰六月四日天忽開朗五日劉綎身先士卒進克七月二城應龍益迫夜散數千金募死士拒戰諸苗皆駭散無應者起提刀自巡壘見四面

火光燭天傍徨長嘆泣與妻子曰吾不能復顧若矣六日陳璘與吳廣當進兵璘夜四鼓銜枚上賊斡睡斬其守關者樹白幟鳴砲賊大驚潰散廣兵亦至應龍倉皇同愛妾二闔室縊且自焚廣獲其子朝棟及妾田雌鳳急覓屍出焰中廣中火毒失聲幾絕頃而蘇自出師至滅賊百十有四日總督李化龍露布以聞十二月庚辰督撫李化龍郭子章江鐸倅楊朝棟等獻於闕下丙寅上御樓受之羣臣稱賀命磔楊朝棟等於西市釋宋承恩貴州通志播賊躡綦後神宗震怒命兵部侍郎李化龍翼行

天討化龍視綦境內萬竈無烟百里盡赤急需守
令因疏推萬縣知縣周作樂升本府同知來攝縣
事有本官吏治最優擬地最善但綦江重任非此
人不足當之事竣另行優異之語周奉命單車於
庚子正月七日馳受事比至破城穢骨暴露猶填
巷道蓬蒿滿目瓦礫縱橫因張榜招集遺黎補葺
綢繆稍成人境倏傳賊目張漢清統苗入境傷弓
之鳥聞風欲散周繫印危坐謂天戈不日西指反
賊子危於累卵何敢復來申諭再三離心始定乃
請兵以備防守請銀以便應用議速進兵以收武

功議寬投降以昭文德急發軍令以安小民悉從
其請問架既定復籌五策曰謹詐降曰慎防守曰
約會期曰速餉運曰嚴紀律當事優語褒答稱爲
經略鴻猷是年卽成戡定殊勳一切善後事宜妥

帖周詳尤有力焉

綦江舊志

二十九年正月壬子朔頒平播詔於天下

貴州通志

四月詔郡縣播地建城署設官立學則壤田賦置衛
所定屯田設兵備專將領

以播地分設遵義平越二府析置二州八縣遵義
桐梓綏陽仁懷四縣真安一州屬遵義府隸四川

餘慶甕安涓潭三縣黃平一州屬平越府龍泉一縣屬石阡府隸貴州府州縣應有官皆增之如制因白田黃平舊學宮立二府學增立真安一州學城池公署以次修舉置威遠衛及官屬限其屯田置分巡兼兵備一員總兵官一員駐遵義府撮善

後疏詳見各門

三十一年播州餘逆吳洪盧文秀等叛總兵李應祥等討平之明史

洪播州逆酋楊應龍用事長官見應龍勢敗遂避貴州平定後復業與其黨盧文政劉堯等見改土

設流法度嚴密不得自逞借新民占產糾合沙溪苗夷議立場三老為宣慰遍書偽檄諭夷漢頭目將以十一月初九舉事兵備副使傅光宅知府蔡鳳梧會同總兵李應祥先期擒斬之黔志詳士官傳

按劉綎揭子云職東西征時曾帶回兵馬一萬一千有奇復以征播班師被論回衛即畱遵義仁懷赤水敘南建武馬湖等處善後耕種防守如遵義兩值吳洪楊和尚之變俱賴若輩保禦無恐據此則吳洪後尚有楊和尚之役諸志皆

失載

三十七年知府孫敏政定建府學於城中縣治左學

門校

四十六年加田賦畝三厘

九月加天下田賦帝以遼左軍餉不敷除貴州地

磽兼有苗變不加外餘省照萬曆六年會計錄派

定每畝加三厘六毫次年復加賦額

通鑑輯覽

按以輯覽兩年加賦總數計之次年所加三倍

三十六年之數

四十八年遷真安州治於三江里號新州治

正安志

熹宗天啟元年辛酉

原系萬曆四十八年辛酉

正永寧土司奢寅

因調兵謀逆陷重慶九月遣逆目扶國禎破遵義殺

掠一空民罹難最慘

陳志

奢應周入祠梓知縣洪維幹

死之

桐梓印志

天啟元年永寧奢崇明請調馬步兵二萬援遼崇

明與子寅久蓄異志借援遼遣其婿樊龍部黨張

彤等領兵至重慶久駐不發巡撫徐可求移鎮重

慶趣永寧兵樊龍等以增行糧為名乘機反殺巡

撫道府總兵等二十餘員遂據重慶分兵攻合江

納溪破瀘州陷遵義

明史永寧土司傳

年紀二

天啟元年秋九月四川永寧土司奢崇明反崇
外恭陰鷲子寅尤驍桀好亂時朝廷方遣官募川
兵援遼崇明父子請行先遣土目樊龍張彤等領
兵詣重慶巡撫徐可求議汰其老弱龍等遂反殺
可求及道府總兵官據重慶分兵攻瀘州合江納
溪破瀘州陷遵義崇明統所部與徼外雜蠻凡數
十萬播州遺孽及諸亡命奸人蠶起附之全蜀震
動乃進圍成都偽號大梁左布政使朱燮元將入
覲蜀王以亂畱治軍事燮元急趨近道兵赴援分
陴固守相持百餘日圍解燮元亦已授四川巡撫

帥師復州縣衛所

通鑑輯覽

按貴州通志書蘭賊陷遵義亦云在萬曆四十
八年蓋承陳志之誤楊明吾家譜序云蘭酋作
叛值天啟元歲九月二十三日走綏陽黃魚江
避之年月與史合兼詳其日愈知二志之譌但
序又以元年甲子爲壬戌亦誤同陳志
按重慶之陷遇難者有遵義參將萬全見朱燮
元紀略

十二月復遵義

天啟元年宣慰司同知安邦彥詣巡撫李樸請援

遼欲乘以起事檄諭止之歸益爲反謀檄累疏請增兵餉置不問檄被劾六疏乞休十月始得請以王三善代而崇明已陷重慶遵義貴陽大震檄遂畱視事貸銀募兵治戰守具而急遣總兵官張彥才都司許成名黃運清監軍副使朱芹提學僉事劉錫鉉等援四川戰屢捷遂復遵義綏陽湄潭正安桐梓諸州縣貴州通志

按劉時俊渝城功罪紀略言戴口口冒功云如戴僉憲不認虛冒則遵義初復在天啟元年十月十六日當是時僉憲何日出都門何日會

俊於邯鄲道上何日發諭帖何人傳塘報而乃自添銜名通報於在京在外各衙門云遵義之復奉劉太僕戴監軍之諭帖云云據此則初復遵義之年月更無可疑明史永寧土司傳云遵義諸郡邑皆復時二年三月也史蓋總諸郡邑書其最後者故不合又通鑑輯覽云川兵克重慶貴州兵亦復遵義卽指此後載陳志之萬任黃一清領兵事疑卽通志所書而陳志脫誤也二年三月復重慶已而遵義再陷

朱燮元授巡撫率川卒追崇明江安新都遵義諸

郡邑皆復時二年三月也燮元以計擒樊龍殺之張彤亦為亂兵所殺生禽龍子及其黨三十餘人遂復重慶時安邦彥反於貴州崇明遙倚為聲援

明史永寧土司傳

按復重慶時有遵義兵三千楊守備領之後遵復破馮推官死焉參將周之德並不知下落見劉時俊渝城功罪紀略又考楊明吾譜序二年七月二十三日西賊攻遵城各逃性命賊恣意擄掠地荒人絕千里無烟乃避望草之讓水遵義再陷即此時

黔撫題委通判萬任參將黃一清於七月領兵復遵擁空城駐劄綏陽招集流民陳志

按此條陳志原係元年而又書壬戌壬戌乃二年且元年七月遵尚未陷也姑移置此一清當是運清貴州通志云二年二月安邦彥叛圍貴陽時運清駐遵義

九月增田賦時增州縣兵計畝加餉從御史馮英請也通鑑輯覽

三年五月四川總督朱燮元克永寧奢崇明走龍場

原注在四川敘永縣永寧縣東南與貴州畢節縣接界今為營考此又一龍場非王守仁所謫之龍場驛

副總兵秦衍祚再復遵義

先是川兵既克重慶貴州兵亦復遵義已而遵義再爲賊所陷推官馮鳳雛被殺朝議加燮元兵部侍郎爲四川總督討賊至是燮元謀直取永寧拔之副總兵秦衍祚等亦克遵義崇明父子勢蹙乃率餘眾走水西龍場借兵安邦彥邦彥遣二軍窺遵義永寧燮元敗走之諸將乘勝入龍場生擒崇明妻安氏及其弟崇輝斬獲萬餘崇明父子竄深箐得免時燮元以永寧旣拔蜀中已靖遂不窮追而貴州巡撫王三善以崇明竄入水西會師進

討連破賊有輕敵心會糧盡退師爲賊躡之總兵

秦民屏參將王建中戰歿三善遂爲降賊陳其愚

所害於是賊勢復張

通鑑輯覽

三年川師復遵義進攻永寧遇奢寅於土地坎大兵奮擊敗之進克其城諸固寨降者日至崇明勢益蹙踉蹌投水西邦彥與合兵分犯遵義永寧川師敗之於芝蔴塘賊遁入青山諸將逼渭河蹙入龍場陣獲崇明妻安氏及奢崇輝等斬獲萬計蘭州平總督朱燮元請以赤水河爲界河東龍場屬黔河西赤水永寧屬蜀永寧設道府與遵義建武

聲勢聯絡明史永寧土司傳

癸亥部銓道府命將侯良柱陳一龍分兵屯守遵義黔省楊述中會題川貴參將王達統兵由烏江同復遵義招集流民是年田荒民散斗米數金僵

殍在道陳志

三年貴州總兵曾欽統兵自遵義直入奢賊巢穴

進營敘永廳之紅崖山四川通志

四年甲子先任本道盧安世督師復遵聶公碑

五年春三月以朱燮元總督雲貴川湖廣西軍務駐

遵義

先是貴州官軍屢為安邦彥所敗廷議以川師不協助宜令一人統之乃進燮元兵部尚書總五省軍駐遵義明年賂賊黨誘殺奢寅崇明年老無能為邦彥亦乞撫燮元聞於朝許之未幾以父喪去

賊復熾通鑑綱目三編

初大方東倚播北倚蘭相為犄角後播蘭既平賊唯恃烏撒為援而畢節為四夷交通處當王三善由陸廣深入以失地利而陷明史土司傳

燮元議滇兵出霑益遏安效良應援而別布天生橋尋甸等以絕其走蜀兵臨畢節扼其交通四裔

之路而別出龍場崖後以奪其險黔兵由普定渡
思臘河徑趨邦彥巢而陸廣鴨池擣其虛粵西出
泗城分兵策應然後率大軍由遵義鼓行而前尋
以憂去未及用

合續詞

燮元去總督閔夢得繼之亦以貴州抵大方路險
賊惟恃畢節一路外通我兵宜從永寧始而普市
而霑泥而赤水皆坦途赤水有城郭可憑而守宜
結營進逼白崖又層臺又畢節畢節至大方不及
六十里賊必併力來禦須重兵扼之斷其四走之
路然後遵義貴陽尅期進亦不果用

明史土司傳

七年

原作六年
今改正

丁卯奉行撤屯歸民給田領種始開徵

量報入冊

莊烈帝崇禎元年仍起朱燮元五省總督討賊平之
燮元至檄滇兵下烏撒蜀兵出永寧畢節扼各路
要害而親率大軍駐六廣以逼大方時崇明號大
梁王邦彥號四裔大長老其下各號元帥悉力趨
永寧先犯赤水燮元授意守將許成名佯敗引之
深入度賊已抵永寧分遣林兆鼎從三岔入王國
楨從陸廣入劉養鯤從遵義入邦彥分兵四應力
不支羅乾象復以奇兵繞出其背急擊之崇明邦

彥皆被創新其首以獻安位降賊平

合誌詞

按奢安悉平通鑑輯覽書在二年八月明史土司傳亦止承元年書

是歲始徵田糧十分之二

先是奢酋陷遵民悉逃散今甫漸集報徵輸十分之二

陳志

遵義縣知縣胡崇明移建府學於府城東鳳山麓舊學基右即今地

詳學校門

三年庚午巡道盧安世分兵駐防鎮南沙崖吳馬口烏江等十三隘禦水西以防竊發

陳志

冬十二月增田賦畝加三

通鑑綱目三編

按楊明吾譜序萬厯時差輕而糧易納每年每兩使費無幾至盧道鎮遵每糧帶徵馬價所派科條每兩三倍里黨頭人無不充役

五年壬申水西叛苗阿烏迷率眾投誠獻渭河下水一帶地方本道盧安世納之詳請改建馬場為懷遠衛開拓遵土後數年苗叛復據之

陳志

按王公殉難錄書此事較詳見後而云水西酋長小烏安祚遠同部酋趙國政獻渭河地授指揮增懷遠衛且在七年而志云五年未詳孰是阿烏迷

或二酋別名也遵郡紀事亦云安祚遠等獻地設
懷遠衛又云因定賦額其後復失有糧無田大為
民累語詳賦稅門而又係之十四年蓋以郭士奇
等殺趙國政之年為說非實獻地在此年也
十年調遵義兵援成都

丁丑閏十月丙寅李自成由漢中趨攻廣元總兵
侯良柱戰死賊直逼成都按臣陳廷謨檄總兵羅
尚文集永遵松茂之兵來援有諤良柱削職戴罪
自贖廷謨降三級蓋不知良柱之死也蜀
十二年正月妖人張道與結水西擾遵義防守中澤

臨官聶文啟擒斬之

詳金石
聶公碑

十四年八月遵義知縣王佐聖創築治南六十里新

站城以扼水西五旬而工完

採王公殉難
錄詳宦績傳

八月逆酋郭士奇吳上才殺趙國政於府城小十字

街

採王公殉難
錄詳見次年

十五年四月逆酋吳上賢等寇遵義破城劫獄知縣
王佐聖遇害明日佐聖所練鄉兵皆至遂平之

先是崇禎七年水西酋長小烏安祚遠同部酋趙
國政投獻渭河一帶地方朝廷嘉其慕義為增設
懷遠衛授以指揮小烏既死地復失於水西國政

無所歸耕屯於沙溪而恃彊蠶食邊夷遂與其酋
郭士奇吳上才等結怨十四年八月十七夜士奇
等覘國政入府伏兵胡啟富家襲殺國政于小十
字街鬻割之以眾抄沙溪捲其家口貲畜盤踞深
山稱戈拒命政父張安弟國泰及部將王加禮等
竄入水西糾安祚新聲言鎮道府縣授意殺降借
兵復仇思搖蕩邊疆佐聖移書祚新推誠慰夷情
杖義責叛黨士奇等亦憚佐聖威名送還所擄國
政家口三百餘張安等乃安心受撫祚新亦息其
邪謀佐聖旋率丁壯躬出險隘斬馘千計得逆首

上才士奇等置府獄奪還陷賊男婦唐貴韓現戴
楊倫等數百人佐聖請立決元兇以散餘黨條上
守禦十策皆沮不行而鎮府文武方畏賊市恩托
常照磨設宴獄中疎其械捫款密異常細作出入
無詰由是其黨謝登甲結連外寇龍正國吳上賢
私刻符印號召諸酋日謀劫獄潛運籐甲皮盔火
藥器械藏城中十五年四月初一日皆大舉入寇
會於上村佐聖所分汎鄉勇頭目王選王之琴冉
國柱等禦之不敵皆戰沒於宣峰墮賊長驅犯城
總兵李茂先偵知擁兵自脫知府常三錫指揮衷

蕙芳或稱請救或稱把隘一時星散佐聖獨守孤城挺身誓眾環甲巡禦堅持兩晝夜外援無一至者初四日三更賊從北門山背掘城燒屋以入佐聖命服公堂揮劍格鬪面受三刀身被數創裂皆罵賊而絕詰旦新站城鄉勇頭目王尙明等統領永安平水十里土司捲甲赴援中途聞變哭聲振野白旗滿山直搗寇營復分兵新站以絕其歸路殲上賢正國并賊黨數千人於境內士奇窮蹙自經斬其首生擒上才登甲寸磔之以祭佐聖水西彝酋皆求款附遵城以安皆不出佐聖生前成算

五月遵人建祠於宣峰壇祀佐聖以選之琴國柱

配食

王公殉難錄

里民郭士奇吳尙才緣水西降將趙國政占田橫虐之害糾眾撲殺於東門內小巷士奇等繫獄未決逆謀聚兵潛匿城內劫獄戍官而出知府常三錫率鄉勇擒斬之反側悉安

陳志

按此條陳志屬之十二年辛巳今據殉難錄考之則是十四十五兩年事故置此錄乃佐聖子恪目擊其事所呈知較志爲確也

盧安世以鄭益顯權守底水隘招撫流移團練鄉

兵遵義西境隱然長城在臨十年招安祚遠來獻渭河西岸地二百里崇禎十一年祚遠地復歸水西道府以懷遠指揮地雖失然降人難便裁去因遣國政耕屯沙溪視流官折俸沙溪豪猾郭鉅器械俱運藏城中計四月初二日諸臨官士司往尚明家作生日必不及援救遂於初一日傍晚潛從上村攻城諸司隘聞急各歸集所部會救逮至魯生已死難諸賊聞救至上才士奇從小坎登甲等從大銀山正國等從十二茅坡各覓路歸沙溪蓋顯馳至馬坎顧從者曰彼聞援至必走走必不由此

急趨小坎邀之生擒上才士奇縱馬走竄追入馬

桑箐士奇已縊死

孔昭民撰鄭蓋顯行略

按安酋獻地陳志在崇禎五年殉難錄在七年考刁化神撰聶公平妖碑安世置隘官在天啟四年此云蓋顯在臨十年招祚遠獻地由四年置隘推之則獻地定在崇禎七年與王恪原呈皆實錄也此行略殘稿中間有文缺處其言祚遠獻地及遵義破復始末較他史傳為詳以稿最後得不及改前獻地當繫在崇禎七年下崇禎十一年當補渭河一帶地復歸水西懷遠指

揮趙國政耕屯沙溪視流官折俸一條以後事
始有張本

遵義府志卷四十

